

فضاء أيدوس

العصاية

مسرحيتان

أحمد توفيق

علي سبيل التقديم :

نعم استطاعت مكتبة الأسرة باصداراتها عبر الأعوام الماضية أن تسد فراغا كان رهيباً في المكتبة العربية وأن تزيد رقعة القراءة والقراء بل حظيت بالتحاف وتلهف جماهيرى على إصدارتها غير مسبوق على مستوى النشر فى العالم العربى أجمع بل أعادت إلى الشارع الثقافى أسماء رواد فى مجالات الإبداع والمعرفة كادت أن تنسى وأطلعت شباب مصر على إبداعات عصر التنوير وما تلاه من روائع الإبداع والفكر والمعرفة الإنسانية المصرية والعربية على وجه الخصوص ها هى تواصل إصداراتها للعام التاسع على التوالى فى مختلف فروع المعرفة الإنسانية بالنشر الموسوعى بعد أن حققت فى العامين الماضيين إقبالا جماهيريا رائعا على الموسوعات التى أصدرتها . وتواصل إصدارها هذا العام إلى جانب الإصدارات الإبداعية والفكرية والدينية وغيرها من السلاسل المعروفة وحتى إبداعات شباب الأقاليم وجدت لها مكانا هذا العام فى «مكتبة الأسرة» .. سوف يذكر شباب هذا الجيل هذا الفصل لصاحبه وراعته السيدة العظيمة/ سوزان مبارك ..

د. سمير سرحان



مهرجان القراءة للجميع ٢٠٠٢

مكتبة الأسرة

برعاية السيدة سوزان مبارك

(سلسلة إبداع الشباب)

| | |
|----------------------------------|------------------------|
| الجهات المشاركة: | فضاء أبيدوس (العصايا) |
| جمعية الرعاية المتكاملة المركزية | مسرحيتان |
| وزارة الثقافة | أحمد توفيق |
| وزارة الإعلام | الغلاف |
| وزارة التربية والتعليم | والإشراف الفني: |
| وزارة الإدارة المحلية | الفنان: محمود الهندي |
| وزارة الشباب | الفنان: صبرى عبدالواحد |
| التنفيذ: هيئة الكتاب | المشرف العام: |
| | د. سمير سرحان |

الإهداء

إلى والديّ

...

وإلى أسماء على وعبدالله الجعفرى

...

وإليك...

يا من تجلس بعيداً

مبتكاً ترصد أمواتاً

كيف يتسع حزنك

لأوهام تلك الشموع التى تنطفى

واحدةً واحدة؟!؟

أباق لك دمعات أخرى

كى تنزفها!!!..

أحمد توفيق

تقديم
د. فاطمة موسى

تقديم

يضم هذا الكتاب مسرحيتين تلفتنان النظر لكاتب جديد واعد، المسرحية الأولى نص طموح يعالج الواقع المعاصر من خلال قناع فرعوني، يستخدم الأسماء والأساطير الفرعونية، ليقدم رؤيا مسرحية معاصرة، وأملاً في المستقبل، يقوم على أسطورة إيزيس وأوزيريس ووليدهما حورس الصقر مثال القوة والتحقيق. يقدم المؤلف نصاً شاعرياً منظوماً في معظم أجزاء المسرحية، يعتمد على الكورس والمجموعات، ويتيح لمخرج مبدع تقديم عرض يجمع إلى عناصر الفرجة المكونات الأساسية للمسرح الجاد. وقد يعترض المتخصصون في التاريخ والآثار بخلط الأزمنة والتواريخ، إلا أن المسرحية ليست مسرحية تاريخية كما أوضحنا، وقد ترخص الكاتب في استخدام الخلفية الفرعونية لما تضيفه على العمل من روعة محببة إلى قلوب المصريين وخصوصية تميزهم، مذكراً القارئ والمشاهد بماض مفعم بالدروس، وما أحوجنا لها اليوم. أما المسرحية الثانية، فتقدم صورة جديدة وتفسيراً معاصراً للحكاية الشعبية. حكاية الشاطر حسن الذي يعرفه الطفل العربي منذ بدأ يفتح

أذنيه للقصص قبل أن تستولي أفلام الكارتون والرعب على سمعه وبصره وحواسه جميعاً.

يعود الكاتب للعناصر الأولى في الحكاية الشعبية الراوى والحاوى والشاطر حسن وست الحسن والجمال والفتى والفتاة وجمهور المتلقين والمشاهدين داخل العرض وخارجه، ويتخيل منظراً في الخلفية يكاد يكون ثابتاً، لكن تتغير دلالاته بتغير حلقات الحكاية وتعلق أفراد المشاهدين الذين يقومون بدور الكورس في العرض.

من أهم ما يميز النقد المسرحي في العقود الأخيرة، هو التركيز على العرض المسرحي؛ وليس نص المسرحية في بداية كتابته أو طبعه قبل أن يتناوله المخرج وجمهور العاملين على خشبة وتحتها وخلف الكواليس. ومن المعروف أن أهم المسرحيات الناجحة حقاً على خشبة المسرح، هي التي يتاح لها مخرج مبدع يحسن توظيف ما تحت يده من تكتيك وإمكانات بشرية وفنية؛ ليقدم عرضاً يوفر عناصر الفرجة مع التأمل والخيال. فالمسرحية لا تكتب للقراءة أصلاً، بل للعرض والتنفيذ، والنص في هذا الكتاب يقدم رؤياً مستفزة تعبر عن جيل من الشباب مفتوح العين مشدود المشاعر والحواس لا يقنع بالقوالب القديمة أو الأفكار الجاهزة سابقة التصنيع، ولن يكشف عن دلالاته بكفاءة إلا باكتمال عناصر العرض المسرحي المبدع، فهل من مخرج واعد يتصدى للتحدي.

بقلم: د. فاطمة موسى

أولاً:

فضاء أيلدوس

الشخصيات

أبيدوس (= أوزوريس)

سماء (= إيزيس)

آمون

ست

سنوحى

إله الأرض

حورس

الصدى

شخص ١

شخص ٢

شاب ١

شاب ٢

شاب ٣

مقدم العرض، الخادم، حثحور، أصوات الأرباب، الآلهة، صوت الكورس، السيدة، الأم، الفتاة، البائعة، صوت المغنى، الجفة، الطفل، الطفلة

الديكور:

الجانب الأيمن يرتفع عن الجانب الأيسر بحوالي ٢ م
فى الجانب الأيمن كرسى على مكان مرتفع يعبر عن عرش آمون
فى الجانب الأيسر صخرة أو تبة رملية
وباقى أجواء المسرح خلاء

«يخرج مقدم العرض من ظلام المسرح وسط دائرة
من الإضاءة»

مقدم العرض : (مخموراً يقهقه)

هه .. هه .. هه ...

(يحدث نفسه)

صه

ما هذا الضحك!؟

أيها الناس

العرض سوف يبدأ

من كان منكم يأكل أو يشرب أو يقفز اللب

أو يداعب فانتته

فبدون حركة

ويدون همس

(يتراقص)

همس .. همس .. همس

صمتاً

العرض بدأ

«يغيب مرة أخرى في ظلام المسرح»

(1)

«اضاءة خافتة، آمون على كرسيه وأصوات الأرباب تتردد
في أذنيه»

أصوات الأرباب: آمون.. آمون...
يا إله طيبة الجميلة
يا مسير العقول والجنون
إفض من فرط محبتك على الماء
ينبت من قلب إيزيس سماء
ومن ظهر أوزوريس أبيدوس خميعة
آمون..
آمون..
يا إله طيبة الجميلة
آمون
آمووون

.....«انخفاض تدريجي»
«ينتفض آمون واقفاً بعد أن تشكل الاضاءة دائرة
العرش»

آمــــون : ما بال هذه الأرباب
تنادى الآن وترجونى الصفح
وقد مالت الشمس عن الأرض
سنين عجافاً
اخــــادم: (بعد أن يدخل وينحنى للإله)
مولاي الإله الأعظم..
الإله ست وبعض الآلهة
يستأذنونك بالدخول
آمــــون: أدخلهم (يخرج الخادم)
«يدخلون ويجلسون حول العرش بعد تحية الإله
آمون»
ســــت: أبانا الإله الأعظم آمون
ملك الآلهة
جلثنا ننزود من حكمتك..
اجعل ما بينى وبين أوزوريس
أبيدوس
خلى بيننا
وترقب من يحسم منا الأمر

آمــــون: أعلم ما تنوى
لكن أعلم..
لن تمحى من أرض أبيدوس الخير..
كل الخير.
ســــت: مولاي..
لا أبغى أبداً إغضابك
إنها الحياة
خير وشر
آمــــون: أبداً
لن أطلق وجهك على أحفادي
لا تحاول.
اغمــــادم: (يدخل)
مولاي
الإلهه حتحور تستأذن بالدخول
آمــــون: أدخلها
اغمــــادم: (منحنياً)
سمعاً وطاعة (يخرج)
حتحور: (تتقدم نحو آمون وهي تقدم فروض الطاعة
والولاء)
أبى الإله الأعظم
إفسح لى صدرك
إتسع الليل

وضاقت البصيرة
عيناي كلتا
وقلبي تحجر
أفسح لي صدرك يا مولاي
أفسح لي صدرك ..
آمــــــــون: تكلمي يا ابنتنا الجميلة
تكلمي ..
حتحور: ملك الآلهة
أحفادك في أبيدوس
يحتاجون الصفح الآن
وقد جف النيل
ونساقط النخيل من الوادي
آمــــــــون: أعلم يا ابنتي ..
لكن ..
ساء فعلهم
فكبر جرمهم
حتحور: مولاي
رحمتك وصفحك أكبر
آمــــــــون: إيه يا حتحور
عفوت عنهم كثيراً
لكنهم لم يتعظوا ..
دعيني أتدير الأمر

حضور: أَمْرُكَ يَا مُوَلَايَ وَرَحْمَتُكَ

رحمتك .. رحمتك ...

(تخرج)

«الإضاءة تنحسر خافتة.. وآمون يحدث نفسه»

آمــــون: یاااه..

مرت الشهور والسنون والعصور

ورغم أن النيل لا يزال يجرى

في قلب أبيدوس الجديدة

تغیرت ملامح أحفادی

واسودت بصائرهم

ما هذا الذي أرى..

ما هذا؟؟!!

(ينظر إلى الشاشة الخلفية التي تعرض عليها بعض

صور من مظاهر الحياة في أبيدوس الجديدة

أبيدوس القرن العشرين:

- صور لبعض الحروب النووية

- صور لبعض مظاهر الزحام

- صور لبعض مظاهر التلوث التكنولوجي

- وصور أخرى).

«هذه الصور صامتة بدون حوار»

ســـــــــــــــت: أَرَأَيْتَ يَا مُوَلَّای

أحفادك في أبيدوس الجديدة

لا يستحقون العفو
لا يستحقون إلا سخطك وجبروتك
آمون: آه يا أحقاد آمون
لم كل هذا؟!
لم؟!
خلعتم عن أبيدوس معطفها
وارتديتم من معاطف غيركم
وجه التفرق والتخاذل والمجون
لم كل هذا؟!
لم؟!
عظمت خطاياكم
فذللت الأوجه
وغامت السماء
غامت السماء
أصوات الأرياب: آمون.. آمون..
آمون..
يا إله طيبة الجميلة
يا مسير العقول والجنون
إفض من فرط محبتك على الماء
ينبت من قلب ايزيس سماء
ومن ظهر أوزوريس أبيدوس خميلة
آمون..
آمون..

آمون..
يا إله طيبة الجميلة
آمون..
آمون...
(إظلام يعقبه ما يشبه البرق يخرج من خلاله أحد
الأشخاص من الجانب الأيمن مردداً:
- عفوك يا مولاي
عفوك.. عفوك.. عفوك
«تستقر الإضاءة وتتضح الرؤية وتدب الحركة في
الآلهة الصامتة،
ست: (يقف ثائراً)
ما هذا أيها الأبله؟
اتخترق حضرة ملك الآلهة
دون إذن!!
آمون: دعه يا ست..
دعه..
إنه سنوحى
حكيم أيدوس الجديدة
هو من أذنت له بمخاطبتي
والصعود إلى.. (ينظر نحو سنوحى)
قل أيها الرجل الطيب
ما الذى جاء بك؟

قل ..

سنوحى: عفوك يا مولاي ..

عفوك

جيت هنا إزاي؟

وبياه؟

مش عارف

ما عرفتش غير إني لو ضاقت بيَّ السبيلُ

والضلمة ملّت عنيَّ

أرفع عيني وأطلب منك يا مولاي البصيرة

عفوك يا مولاي

عفوك

أمـون: (مقاطعا)

دعك من هذا

وكما قلت لك

ما الذى جاء بك؟

قل ولا تخشى شيئا

سنوحى: بص يا مولاي (يمد يده بكرة معدنية)

أمـون: ماذا تقصد بهذه الكرة المعدنية؟

سنوحى: دى بنسميها «قنبلة»

بتقتل الآلاف من الناس

عملناها عشان نحارب بعض

مع كده

دى خطورتها أقل بكثير
من خطورة النفوس الضعيفة
اللى بتقتل أجيال من شباب أبيدوس
دا حالنا يا مولاي
دا حالنا

سبب: لأن هذا حالهم

لا يستحقون رحمتك يا مولای

لا يستحقون الرحمة

آمرون: (مقاطعاً)

أكمل أيها الرجل الطيب

سنوحي: دول مساكين

محتاجين مساعدتك

البستان المرغواهم

حَوْلَهُمْ لَكَ دَابِّينَ وَمَوْهُمِينَ وَسَكَارَى

بقيوا مجرد السنة

مرة بيتفاخروا بذواتهم

ومرة بالرزيلة والخنوع وقلة الحيلة

دول مساکین یا مولای

مساكين

مايستحقوش غير العفو

آمنون: أيها الرجل الطيب

أَعْلَمُ أَنَّهُمْ آذَوْكَ كَثِيراً

ورغم ذلك تطلب العفو لهم

ما رأيكم أيها الآلهة؟

ما رأيكم؟

الآلهة: (فى صوت واحد ما عدا ست)

العفو يا مولاي

العفو...

آمنون: إذن العفو

العفو من أجلك أيها الرجل الطيب

ومن أجل ضعفهم.

أيها الخادم

الخادم: (يدخل)

أمر الإله الأعظم

آمنون: أرسل فى طلب إله السماء

الإله حورس

حالا

الخادم: أمر مولاي (يخرج من إحدى فتحات الجانب

الأيمن)

آمنون: أووه...

حان الآن يا نجم أبيدوس

أن تضئ سماء أبيدوس

بحكمتك ونصالك

قسوت عليك كثيراً

لكن ..
اغمــــادم: (يدخل)
مولاي ..
مولاي الإله حورس
يستأذن بالدخول
أمــــون: أدخله على الفور
حــــورس: (يدخل، ينحنى لآمون)
مولاي ملك الآلهة
أمــــون: (مقاطعاً)
طلبتك لأمر عاجل
حــــورس: رهن أوامركم
يا إله طيبة العظيم.
أمــــون: طرُّ بأمرنا
نحن الإله آمون
ملك الآلهة
إلى أبيدوس
أخير أوزوريس وإيزيس
بالمثول في حضرتنا ..
على وجه السرعة ..
هيا ..
حــــورس: (يفرد جناحيه)
أسرع من البرق

يا جدى الإله الأعظم (يخرج)
أمــــون: (ينظر إلى أفق الجانب الأيسر)
إله الأرض
بأمرنا نحن آمون
اخترق الزمن
وامثل فى حضرتنا
إله الأرض: (يظهر وسط هالة من الأبخرة والإضاءة)
ها أنا ذا
رهن أمركم
يا ملك الآلهة
(يركع على ركبتيه)
يا مولاي آمون الأكبر
أمــــون: إصغ لى جيداً
الأرض تشققت
ووجوه أحفاد آمون
فى وادى النيل تبدلت
ولإنقاذهم
قررنا نحن الإله آمون
ملك آلهة طيبة الصفح
الصفح عن نجم أبيدوس؛ أوزوريس
وسماء أبيدوس؛ إيزيس
انزع ذاكرتهما

هيئتهما فى صورة آدمية

إله الأرض: أمر مولاي..

لكن..

آمون: ماذا؟!!

إله الأرض: أقصد (يرتيك)

أقصد يا مولاي

أن أحفاد آمون فى أبيدوس الجديدة

تغيرت طبائعهم

وإزدادت المسافات

آمون: أعلم أيها الإله

نفذ

ولا تسأل

«يختفى إله الأرض وسط الأبخرة بعد أن ينحنى

للإله آمون،

آمون: (يسمع أصواتاً بالخارج)

ماذا بالخارج؟

اغـادم: (يدخل)

بالخارج يا مولاي

مولاي حورس ومولاي أوزوريس

ومولاتى ايزيس..

آمون: أدخلهم

(يدخلون المجلس، ينحنون لآمون)

أوزوريس: مولاي
عفوك أكبر منا
إيزيس: أنفاسك سر قوتنا
آمون: آه..
يا ولدي
مررت العصور
وانتما في أبيدوس
لا تبرحانها؛
عقابا لاختراقكما العرف الإلهي
وتخطيكما حدود المقدرة..
عفونا عنكم
(يشير إلى الآلهة الجالسة حول العرش)
ما رأيكم؟
موافقون
الآلهة: موافقون
موافقون يا مولاي..
موافقون
موافقون
آمون: عفونا عنكما..
لكن..
احذرا الخطيئة
والآن
إهبطي إيزيس إلى أرض أبيدوس الجديدة

ومن بعدك أوزوريس سيهبط
للبحث عنك
كما بحثت عنه من قبل
فى أبيدوس القديمة..
بالحب والوفاق
عالجا ما فسد.
سنوحى: استنوا..
خدونى معاكوا..
بعد إذن مولاي طبعاً (وهو ينظر إلى الإله آمون)
آمون: أذن لك أيها الرجل الطيب
عد من حيث أتيت
ومارس الحكمة
سبت: وأنا يا إله طيبة العظم
إذن لى..
آمون: إهبط معهم..
ولكن..
لا تنهياً إلا للخبيث
ولا تقترب من الطرح الطيب
(كلهم فى صوت واحد يرددون)
أمر مولاي آمون
أمر مولاي آمون
الكورس: (يردد أثناء الإظلام التدريجى للمسرح)

إيزيس..

إيزيس..

يا درة العقد النفيس

إزرعى فى وادى النيل المقدس قلبك

انقذى أوزوريس

إيزيس

إيزيس

!

يـ

ز

يـ

س

(انخفاض تدريجى للصوت مع إظلام كامل)

(۲)

«المسرح مظلم وصوت إله الأرض يتردد،
صوت إله الأرض: مولاي الإله الأكبر
أبيدوس يرقد مجهداً بعد صراعه الأول من أجل
الحياة
أقصد يا مولاي أوزوريس في صورته الآدمية
انظر يا مولاي
إنه مرتكز على تبة من الرمل
في ساحة أبيدوس الجديدة
المكان يخلو تماماً
من الإنس والجنان
اسمع يا مولاي
(الإضاءة تظهر بخفوت، أبيدوس في الجانب
الأيسر من المسرح)
أبيدوس: آه..

آه..

تعبان

أنا فائق ولا تيهان

صاحي وصحيان الليل

ولا نعسان

غالب

ولأ غلبان

تعبان تـ

ع

بـ

ا

ن

تعبان.....

الصدى: (صوت الذات يتجادل معه)

إنت مين؟

أبيدوس: مش عارف

لا.. لا

اسمى أبيدوس

أيوه

اسمى أبيدوس.

الصدى: اسم غريب!!

أبيدوس: ماليش ذنب فى غرابته

أنا طلعت لقيت نفسي كده

المصطفى: إسم فرعونى

مع إنك ضعيف!!

أبيدوس: أنا فعلاً هزلان

سبينى يا أخى

أنا أعرفك منين؟

المصطفى: ما تعرفنيش!

إزاي!!!

أبيدوس: قولى إنت مين؟

قول؟

قول يا أخى.. قول؟

المصطفى: أنا ضالك فى الحيا

والموت

إن مت إنت أنا برصه حاموت

أبيدوس: تعبان

تعبان

تع

بـ

١

ن

«تتردد أنشودة إيزيس فى أذن أبيدوس»

الكورس: إيزيس..

إيزيس..

يا درة العقد النفيس

ازرعى فى وادى النيل المقدس قلبك

أنقذى أوزوريس

إيزيس..

إيزيس..

.....

أبيـدوس: أنشودة بسمعها كثير

الصدى: بتفكر بحاجة

أبيـدوس: كل ما بسمعها

يا احس بونس

إحساس بعمر عشته

بيشدنى لزماااااا..

لعصر غير العصر

وأوان غير الأوان

الصدى: ديمًا بتخدع نفسك وتقول:

أنا باسم دبات النمل

ويفسر حوادث الغربان

يا أخى طب فسر لى

إيه اللى فى دماغك؟!

إيه؟!

أبيـدوس: الحياة مملة

لياليها المشبوحة أذله
سرقته مني حبيبتي
ومن جواي الصلة
الصدى: قاتلك فوق
اللى يفرط في حبيبته
ضعيف..
فاهم.
أبيدوس: هل كان
الصدى: جبان
أمال فرعون إزاي!!!
أبيدوس: جبان..
فرعون..
النخل!! الغريان!
لا أنا سامع
ولا شايف
خايف..
خايف.
الصدى: طول ما انت خايف
حافظك ضعيف
مش حاتقدر تتطاول للنخل
وحافظك تتدلل للخوف برغوت
أحسن لك تموت

موت يا أخى

موت

موت

أبيدوس: ماتنغيش فى صدرى

الجرح غويط

كل ما أحاول أقب

لحظة ما أوصل لإيديها

أتعب وأدوخ

«صوت الإله ست يتردد فى أذن أبيدوس»

ست: (يقهقه)

هه .. هه .. هه ..

كن فى لحظات ضعف دائمة

كى أقوى أنا

وأفعل ما أريد

أبيدوس: (يصرخ)

إنت مين

لا .. لا .. لا ..

الصدى: إقوى

حاول وحاول وحاول

..... حاول

الغالى ما بيحيش غير بالغالى

إقوى بكل ما عندك

أبيـدوس: كل ما عندي!!
مايقاش...
غير جسم نحيف
وقلب بحبها يساع الكون
وقلم مهموم
(تنحسر الإضاءة وتنتقل إلى الجانب الأيمن حيث
عرش آمون)
آمـون: (إله الأرض الذى يقف أمامه)
ما بالك أيها الإله تصمت
والليل جماجم تزحف
تزحف
تخفق أحلام أوزوريس
إله الأرض: مولاي
موو...
آمـون: (مقاطعا)
حان الوقت لمساعدته
بقوة الروح
إله الأرض: أمر الإله الأعظم
سأنفذ...
وأمد أوزوريس
بروح إيزيس
أنشودة الحب والوفاء

بروح سماء

آمـون: يا إله الأرض

اشدد من عزم أوزوريس

أبيدوس الحكمة

کیف تشاء

لأحلام أوزوريس نجاة

رجلیہ تعبت

أبيدوس: باحاول أهه

أقوى من كل المشاوير

الصدى: الواحد منا بحبه

ويدوس المستحيل..

أبيـدوس: طب بصرني
(صوت ست يصرخ في أذن أبيدوس)
صوت ست: يبصرك كما يشاء
لا تحاول
سأنزع من داخلك
قلب سنوحى
وحكمته
أبيـدوس: إنت مين
وفين مكانك
فين..فين..فين
الصدى: قلبك هو اللي حايدك
أبيـدوس: (فى حالة إعياء)
هيه..هيه..هيه
مش واعى
أدلدل رجلينى رماد؟
ولا أتعلق بجبال الخلا؟
ولا.....
الصدى: خليك متفائل شوية
أبيـدوس: جوايه بحور من ملح
وجيوش أسياذ وعبيد
الصدى: فوق وكفاية..
كفاية....

أبيدوس : (يدور حول نفسه)

تعبت قوى ..

تعبان ..

هو إنت أنا

ولا أنا إنت

هو أنا أنا

ولا أنا مش أنا

(يتدخل صوت أبيدوس وهو يردد سما مع صوت

الكورس وهو يردد أنشودة إيزيس)

أبيدوس : سما

الكورس : إيزيس

أبيدوس : سما

الكورس : إيزيس

أبيدوس : سما

الكورس : يا درة العقد النفيس

إزرعى فى وادى النيل المقدس قلبك

إنقذى أوزوريس

إيزيس

إيزيس

«إظلام مع انخفاض تدريجى للصوت»

«المسرح مظلم والكورس لايزال يردد أنشودة

إيزيس»

الكورس: إيزيس

إيزيس

يا درة العقد النفيس

ازرعى فى وادى النيل المقدس قلبك

إنقذى أوزوريس

إيزيس

إيزيس.

«بقعة إضاءة خافتة مع شبورة من الأبخرة تحدد

أبيدوس وهو يتابع سماء»

أبيدوس: سماء

سماء

سماء: إنت مين

أبيدوس: مشاوير همدانه وأيام
وجراح فى الليل بتخبيكى
سماء: ماقولتلىش
إنت مين
أبيدوس: أبيدوس
سماء: اسم غريب
أبيدوس: اسم فرعونى
سماء: وملاحك كمان غريبة
أبيدوس: بيقولوا ملامح فرعونية
سماء: الفراعنة حياتهم كلها غموض
أبيدوس: بس أنا حياتى صفحة بيضة
ما بحبش بسهولة
ولما أحب
أحب بجنون
سماء: إنت مجنون
أبيدوس: تبقى قريتى تفتكرينى
سماء: مش عارفه
أبيدوس: بصى فى عنيه
إقرى المكتوب فيها
يمكن تعرفى
سماء: مش بالسهولة دى
الحكاية محتاجة بحث

أبيـدوس: شيلي الغشاوة
اللى على عنيكى
دايرى سماكى
حاولى تقربى
يا ريت تفتكرينى..
يا ريت
«صوت ست يتردد فى أذن أبيدوس»
صوت ست: أنت واهم..
لن تتذكرك..
لن..
الأرض التى يغيب عنها سنوحى
يغزوها ست
أبيـدوس: إطلع من ودانى يا أخى
إطلع
حرام عليك
كفاية..
سماء: مش فاكركه
مش فاكركه
أبيـدوس: معقولة!
مش فاكراانى!!
سماء: حاسه إني شفتك
زماالن

بس إمتى؟
 وفين؟
 مش فاكركه
 مش فاكركه
 أبيـدوس: إرحمينى بقى
 سماء: إدينى فرصة
 ما تلحش كثير
 أبيـدوس: ما الحش!!
 أنا أبيدوس
 أبيدوس اللي بيعرفك من آلاف السنين
 فى عصر غير العصر
 وزمان غير الزمان
 سماء: مجنون
 أبيـدوس: فعلاً مجنون
 سماء: مش عارفة أقولك إيه
 أبيـدوس: بس أنا عارف
 سماء: يا ريت تفهمنى
 أبيـدوس: يا ريت تحبينى
 سماء: أعرفك الأول
 أبيـدوس: قاتلك بصى فى عنية
 حانعرفى كل حاجة
 سماء: إنت كمان

ماتعرفنيش

أبيـدوس: عارفك أكثر من نفسي

إنـت أغلى عندي مني

سماء: أنا واحدة غير كل البنات

أبيـدوس: عشان كده حبيتك

سماء: سبيني أعرفك

أبيـدوس: سبيني أحبك

سماء: مشوار النيل صعب

أبيـدوس: حاكونلك المجداف

سماء: تعبتني

أبيـدوس: أنا موجود في الحياة

عشان أسعدك

سماء: عندي

أبيـدوس: الفراعنة كلهم عنديين

سماء: مش عليه

أبيـدوس: لما الحاجات الصغيرة

الواحد بيتمسك بيها

لآخر نفس

فما بالك بالحياة

سماء: مش فاهمة

إنـت عايز تقول إيه؟

أبيـدوس: عايز أقول الحياة ..

اللى حسيت بيها
من يوم ما عرفتك
بقيت بحب كل حاجة
كل الناس
وكل الأشياء
سماء: طيب إدينى....
أبيدوس: (مقاطعا)
خلينى أحبك
حاكرها مليون مرة
عشان حاتحبينى
سماء: متأكد ليه كده؟!
أبيدوس: عشان أنا حد غير عادى
بيحبك حب غير عادى
مش حاتنفع معاه المعايير العادية
سماء: افكرت نفسك فرعون بجد
أبيدوس: فاكركه نفسك
حاتقدرى تنسينى
سماء: مغرور
أبيدوس: مش غرور
دى قوة
حاتفضل جوايه
طول ما ف قلبى حياة

سـمـاء: تعبت
أبيـدوس: إيديا أهـ
هات إيدك
خلّ الحيا تستمر
سـمـاء: يعنى مش حاتستمر
غير بينا
أبيـدوس: أكيد..
الحب الحقيقى
هو الحقيقة الوحيدة فى الوجود
هو فيه وجود
من غير حياة
وفيه حياة
من غير روح
(تختفى سماء بين هالة أبخرة ويبقى أبيدوس
بمفرده يهزى)
أبيـدوس: الله
إنت فين..
شوقتها هنا
لأ.. هناك
لأ.. هنا
هناك..
هنا..

سما.. سما

سما.....

«إظلام مع انخفاض تدريجي للصوت»

(ξ)

«المسرح مظلم والمغنى يردد هذه التهمة الغنائية»

المغنى: الليل أيام بتمر

وسنين بتجيب سنين

أبيدوس كل ما بيدور

يتكعبل فى الدليل

شريط أبيض منور

من توب سما الجميل

يسمع صوت الطرمبه

مخنوق جوه اللالى

ويتوه بين سامبا ورومبا

وشناكل كعب على

يتهد حيله تانى

يقعد فى الليل يغنى

مشغول البال عليل

كل ما يلمح سحابه

يجرى وينده عليها

يسألها عن الدليل

الليل أيام تمر

وسنين بتجيب سنين

سنين بتجيب سنين

سنين

بتجيب

سنين...

«انخفاض تدريجي للصوت»

«٣ أشخاص يدخلون المسرح من الخلفية والجانب

الأيمن والجانب الأيسر وتتجمع الإضاءة عند

تلاقيهم في المنتصف»

شخص ١ : دول ناس وصوليين

إيه اللي خلاك تعرفهم

يا عم إبعد عنهم

يا سلام!

فيه حد يعمل كده!

أبيدوس : الجانب العملي حاجة

والشخصي حاجة ثانية خالص

مش ضروري لما تسوقني الظروف

للتعامل مع فلان

يبقى منهجنا واحد
وأيدولوجيتنا واحدة
ولاً انتوا
تبقوا أول ناس
المقروض ما اتعاملش معاهم..
شخص ٢: يا عم سيبك منه..
دول صحابه
وحايطرب فينا..
خاف على مستقبلك
أبيدوس: صحابي هما اللي أقدر أتعامل معاهم بنديّة
عمرى ما عرفت أبقي ديل لحد
ولا حاعرف
تأكد تماماً
لو عرفت حد كبير
حاعرفه من خلال كتابة جيدة
أو شغلانه بأعملها بأمانة
شخص ٢: (يقهقه)
هه.. هه.. ههه..
بلاش أفلام
أبيدوس: بلاش إنت شغل عيال
شخص ١: إنتوا حاتقلبوها معيله
يا سيدى إنت حر

انت حُر يا عم أبيدوس

شخص ٢: دا فاكِر نفسه

فى حوار تليفزيونى

أبيدوس: مالش فى ثقافة الأهوجية

والجدل العقيم ..

بطل بقى ..

اللى يقبل على نفسه بيقى ديل

على الأقل يكون ديل لأسد

شخص ١: لأ

انت كده بتلطش

ويتقول كلام إنت مش قده

كفايه بقى

شخص ٢: مش حاتكلم دلوقت

بس حاعرف أرد عليك إزاي ..

حاعرف أوريلك ..

أنا إيه

وحاعمل إيه

أبيدوس: الناس مش فاضبالكوا

بلاش مرض ..

إنتوا غلابه

اللى يتعامل مع الناس بالشكل ده

بيبقى مثليان

لأنه يجعل من صاحبه عدوه
فعلاً

انتوا غلابة .. غلابة

شخص ٢: ما تعملش فيها طيب ..

هو فيه فرعون طيب؟

أبيدوس: هو فيه فار ما بيعرفش يقرض

بلاش تقرض الحلم ..

خلينى أعيشه

شخص ٢: حلم!

«يقهقه»

هه .. هه .. هه ... حلم!

أبيدوس: أيوه حلم

هو الواحد منا

من غير الحلم يقدر يعيش

شخص ٢: دا مش حلم ..

دا وهم ..

وهم كبير ...

أبيدوس: الوهم إنك تعيش فى كذبة وتصدقها

وتدى لنفسك حدود وحجم أكبر من حجمك ..

أنا عارف حجمى كويس

وبالحلم على قده .

شخص ١: إنتوا قلبتوها جد ليه؟

شخص ٢ : (واقفاً) حلم!

حاخليهورك كابوس

حاتشوف، أنا حاعمل إيه

(إزجه ومعه شخص ١ إلى خارج المسرح)

أبيدوس: حلمي أكبر من كل كوابيسك

(تخفت الإضاءة وأبيدوس يجلس على الأرض

ويرتكز على التبة الرملية)

«لا يزال يهزى:».

أبيدوس: حلمي أكبر من كل كوابيسك

.....

المصطفى: إثبت .. إثبت .. إثبت

لو إن كل شيء صغير في حياة الواحد

يهزه بالشكل ده

حايفضل طول عمره مهزوز.

أبيدوس: إزاي!!

إزاي بس!

الواحد في حياته كلها بيعدي جبال

من هم وأهوال

وييجي شيء تافه .. تافه!!

ويقتله

المصطفى: المهم إنك تفضل واقف

طول ما انت عايش

من غير ما تنهز.

صوت ست: (يقهقه)

هه.. هه.. هه..

سنوحى

لا تأمل خيراً

مهما علمت أبيدوس الحكمة

سيظل ست لك بالمرصاد

هه.. هه.. هه..

سنرى من منا

سيحقق الغلبة

الغلبة لى يا سنوحى

الغلبة لى...

هه.. هه.. هه..

أبيدوس: مش قادر أكابر أكثر من كده

مش قادر

تعبت.. تعبت

تعبت.....

«إظلام المسرح مع تصاعد صوت المغنى»

المغنى: زمان.. زمان

يوم ما كان الشط خالى

وأبيدوس لساها هيّه

كنت ألف الأرض وارجع

الأمل مالى عنيه
ولما بتصنع ابتسامتى
ويا طيارتى الورق
ألقى فى عيونك ملامحى
باهته شتتها القلق
تبتسم لى عنيكى أضحك
تانى يرجع لى الأمان
زمان.. زمان
يوم ما كان الشط خالى
وأبيدوس لساها هيه
كنت ألف الأرض وارجع
الأمل مالى عنيه

زمان..

زمان

«بقعة إضاءة تُظهر أبيدوس وسيدة عجوز أمامها
ثلاجة حاجة ساقعة،

أبيدوس: إدينى حاجة ساقعة

السيدة: إتفضل يا أستاذ

(بعد أن تفتحها)

أبيدوس: إزيك يا خاله

السيدة: أهلا يا ابنى

إنت تعرفنى؟!

أبيدوس: عز المعرفة
السيدة: إنت مين
أبيدوس: واحد ياما شلتيه وهو صغير
السيدة: أنا!!
مش واخده بالي
أبيدوس: كنا عايشين فى بيت واحد
فى دور واحد
وولادك كانوا إخوانى
ياما كلنا وشربنا
ولعبنا مع بعض
السيدة: كبرت وعقلى بيتوه
قولى إنت مين؟
أبيدوس: أبيدوس يا خاله
أبيدوس
فاكراه ولا لأ؟
السيدة: (تحضنه)
يا حبيبى يابنى
إنت كبرت واتغيرت خالص
أبيدوس: يااه.. يا خاله
شوفى كام سنة
من يوم ما فارقت أبيدوس
ماجيتهاش

وحشنى البحر والمينا والحوارى
والبيل وطيارات الورق
وسما (لحظة صمت)
هى فين يا خالة؟
هى فين؟
السيدة: سما..
ليه يا ولدى.. ليه!
فكرتنى بس ليه؟
ليه؟
أبيدوس: (قلقا)
حصلها حاجة؟
قولى يا خالة..
قولى.
السيدة: سما من يوم ما سبتوا أبيدوس
فضلت تدبّل.. تدبّل.. تدبّل
اتغيرت ملامحها
وفى يوم صحيت
دورت عليها
مالقيتهاش
(تبكى) مالقيتهاش يا ولدى..
مالقيتهاش.
أبيدوس: سما يا خالة!!

سما!

إلا سما..

إلا سما

(تنحسر الإضاءة حول أبيدوس الذى يتضجع على
الأرض مرتكزا على التبة الرملية والإظلام يخفى
تماما السيدة والفلاجة)

أبيدوس: (بهستيرية)

إلا سما يا خالة

إلا سما..

صوت ست: لن يجديك شىء

ملامح سماء قد تغيرت

وانقضى الأمر

الصدى: ما تهتمش بيه

تماسك

افرد جناحك

قوم

صوت ست: (يقهقه) هه.. هه.. هه... هه....

دائما ما تستيقظ فى الوقت الضائع

سنوحى..

لا تحاول

حكمتك لن تفيد أبيدوس فى شىء

انقضى الأمر

قلت لك انقضى الأمر.. انقضى الأمر...

الصدى: (يتجه نحو أبيدوس، عبارة عن ظل)

قلت لك قوم

أبيدوس: تعبت من كثر الهموم

الصدى: افتح صدرك للنيل

إغرف بكفوفك

واغسل عنيك

إحكيه ع اللي جواك

استنى الرد

- وانت بتحاول تطول ببصرك -

أبعد موجه عن الشط.

وان عجزت عنيك عن رؤية سما

إغرف بكفوفك مرة كمان

واغسلها

أبيدوس: الموج دائماً عالى

وبعيد

بيدارى وراه حاجات كتير غالية علينا

مهما حاولت وغسلت فى عنيه

ما بيوصلهاش البصر

الهموم غطت على كل شىء

البصر والبصيرة

الحياة ليه دائماً بتكذب علينا؟

ليه ..؟ ليه ..؟ ليه ؟....

المصطفى: إنت ليه بتصدقها؟

أبيدوس: لازم أصدقها

لازم

عشان ما أفدرش أعيش من غير حلم

المصطفى: يبقى ما تيأس

حاول من جديد

ماتضعفش فى نص المشوار

أبيدوس: ياااه

فينك يا امه دلوقت .. فينك

نفسى اترمى ف حصنك

واشكيلك

فينك .. فينك

(إظلام مع إرتفاع صوت المغنى)

المغنى: أمه

آاه يا أمه

يا حصن العيلة واللمة

أنا جايك بقلب عليل

وعين غشاها ليل ضلمة

آاه يا أمه

خدينى من بكاء عيى

فى صدرك يا أمه صمىنى

خفقنى الليل ومش شايف

جيبلى من السما ضممه

آآه يا أمه

يا حصن العيلة واللمة

أنا جايك بقلب عليل

وعين غشاها ليل ضلمة

آآه يا أمه

يا أمه

.....

(بقعة إضاءة خافتة تظهر أبيدوس والأم «فلاحة»)

أبيدوس: (يدخل من الجانب الأيسر ويتحرك نحو اليمين)

أمه

أماه

وحشتينى

الأم : (تحصنه بشدة) يووووه

أبيدوس يا ولدى

يهون عليك أمك

ياواد تغيب المده دى كلها

وماتسألش

انت قاسى قوى يا ولدى

ليه كده ؟!

أبيدوس: تعبان يا أمه .. تعبان

محتاجك قوى
ما باعرفش بقيمتك
غير لما باضعف واتهد
سامحيني يا امه
سامحيني
خديني في حضنك زى زمان .. خديني ...
الأم : مالك خاسس وهفتان
إنت ما بتاكلش ولا تشرب!!
مالك يا ولدى؟
مالك؟
أبيـــــــــدوس: وحشتيني يا امه
نفسى احكيالك .. نفسى
بس
الأم : قول يا ولدى
قولى تعبان ليه
قول
يمكن أقدر أساعدك
بوضع سره ف أضعف خلقه
أبيـــــــــدوس: يااه يا امه
باحس بالأمان في حضنك
وحديثك بيخفف عنى همومى
مش عارف من غيركم

كنت اعمل إيه
وحشتوني كلكم إنت وإبوى وإخواتى وأهلى
كلكم يا امه ..
وحشتوني .. وحشتوني

الأم

: يا له بقى

شد حيلك

عاوزين نفرح ببيك

ربنا يهديك لينت الحلال اللى تصونك

أبيـــــــــدوس: (فى سره)

بادور عليها من زمان

الحبيبة اللى ف قلبى

من آلاف السنين

من عصر غير العصر

وأوان غير الأوان

: مالك يا ولدى

الأم

سكت ليه ؟

أبيـــــــــدوس: مافيش يا امه

مافيش

مافيش

مافيش

.....

(إظلام مع ارتفاع صوت الكورس بالغناء أو ترديد

انشودة إيزيس)

الكورس : إيزيس ..

إيزيس ..

يا درة العقد النفيس

إزرعى فى وادى النيل المقدس قلبك

أنفذى أوزوريس

إيزيس ..

إيزيس

.....

«انخفاض تدريجي للصوت»

(0)

(صوت المغنى يتخلل الظلام)
المغنى: البستان المر
يخش وشن الليل ويمر
جنانين عقارب
الرغبة جوف الزقاق
الأرصفة وحيطان البيوت القديمة
ناس بتتكفن عيونها
عميانة البصيرة
وناس يتهرب من أيدوس الجديدة
للقديمة
ناس
وناس
وناس
ناس يتاكل حلاوة

وناس بتغوى المر

.....

«انخفاض تدريجي للصوت»

(بقعة إضاءة خافتة وملامح شخصين يتحركان

على المسرح)

شخص ١ : بتكتب؟

شخص ٢ : باحاول

شخص ١ : عارفنى؟

شخص ٢ : الحقيقة .. لأ

شخص ١ : تبقى مابتقراش

أنا أخبارى ماليه الجرايد

هات سجارة

هات يا أخى .. هات

شخص ٢ : (يقدمها له) إتفضل

شخص ١ : اتغديت؟

شخص ٢ : أيوه إتغديت

شخص ١ : طب أنا حاسمحلّك

تغدينى على حسابك ..

يا بنى

حاول تستفيد منى

ومن كتاباتى المطروحة فى السوق

شخص ٢ : ممكن تعرفنى بحضرتك

شخص ١ : مش مهم دلوقت

مش مهم

إديني ٢ جنيه فكّه من معاك

هات (يعطية الفلوس)

تعالى من هنا

فيه مطعم كويس

اتحرك بقى ..

يالّه .

(يخرجان من فتحة خلفية فى منتصف المسرح)

(بقعة إضاءة أخرى خافتة تظهر ملامح بعيدة لولد

وبنت)

شخص ١ : (هو نفسه الشخص ١ فى اللقطة الأولى)

المبدع ما ينفعش يبقى موظف

أنا أشتغل تحت إيد حد

لا يمكن

الفتاة : آمال عايش إزاي بابنى؟

شخص ١ : بابا بيعتلى مصروف كبير كل شهر

الفتاة : حاتعيش على طول بالشكل ده

شخص ١ : لازم أعيش صعلوك

عشان أقدر أكتب

الحياة الروتينية

مابتعملش مبدع

المبدع لازم يكون حر

الفتاة: إنت بتحبني

شخص ١: طبعاً بحبك

الفتاة: حاتجوزني إزاي؟

شخص ١: حد جاب سيرة جواز..

الجواز بيفسد الحب

كفاية علينا حبنا

والإبداع

قومي يا شيخة نعزم نفسنا على كاسين بيره

على حساب أى حد

الفتاة: لا يمكن تكون طبيعى

إنت أكيد مريض

مريض.. مريض.. مريض

(يخرجان من مؤخرة المسرح)

(بقعة إضاءة.. أبيدوس وبائعة الرمان - متوسطة

العمر)

أبيدوس: إدينى كيلو

البائعة: كيلو بس يا عسل؟

أبيدوس: كفاية..

عايزه كام؟

البائعة: عشرة..

عشرة صاغ

أبيدوس: عشرة بس؟
البائعة: إيه؟
أبيدوس: قليل
بس الفرق هلال
البائعة: بتقول إيه؟
أبيدوس: بقول رمانك لذيذ
البائعة: رمانى بيسكر..
إنت مش قده
أبيدوس: مين اللي قال كده؟
يا سلام!!
هو فيه أحلى من الخمرة
البائعة: إيه رأيك فى البستان
أبيدوس: البستان المر
البائعة: عرفت إزاي بمرارته
وانت مادقتهوش!!
بلاش مكابرة
(تمسك بيده)
تعالى
أبيدوس: لأ... (بعد أن ينزع يده)
البائعة: (تمسك يده ثانية)
يالله يا أخى
(يخرجان من وسط المسرح وتخفت الإضاءة حتى

يظلم المسرح)
(أبيدوس وسنوحى يخترقان ظلام المسرح)
سنوحى: إصْلِحْ مِنْ حَالِكَ
قَرِّبِ الْمَسَافَةَ بَيْنَكُ
عِشَانِ تَلَاقِيهَا
أبيدوس: قَرِّبْتُ كَثِيرًا.. كَثِيرًا
مَالَقِيَتَهَا
كَانَ لَازِمًا أَنْسَاهَا
كَانَ لَازِمًا
سنوحى: لَوْنَسِيَتَهَا..
حَاتَنَدَمُ..
عَمْرُكَ مَا حَاتَعَرَفَ طَرِيقَهَا ثَانِي
خَلِيكَ فَاهِمٌ دَهْ كَوَيْسٍ
أبيدوس: السَّكَّةُ قَلَقَانَهُ
تَحْتَ رِجْلَيْهِ
سنوحى: مَا تَصْعَبُشِ الْمَسَائِلُ
وَهِيَ تَتَحَلُّ
أبيدوس: بَعْدَ إِيهِ..
بَعْدِمَا حَطَّتْ حَاجِزُ نَاقِهِ
بَيْنِي وَبَيْنَهَا
تَاهَتْ..
وَتَوَهَّتْ جَوَايِهِ جَرَحَ

لازم أعالجه
لازم
لازم...
سنوحى: هى دلوقت محتاجاك
ساعدها
أبيدوس: ما اقدرش أساعدها
ما اقدرش..
حاول تساعدها إنت يا سنوحى
مش مهم لأقيها
المهم إنها ماتوهش فى البستان المر
مافهوش غير الشوك بس يا سنوحى
مافهوش غير الشوك
سنوحى: وانت حانقف تتفرج
مد إيدك
أبيدوس: خلىنى بعيد
كل ما اقرب عشان أبصرها
بتوسع المسافة بينا
وتتوه أكثر
سنوحى: طيب..
روح إنت؟
(يخرج أبيدوس من منتصف المسرح)
(سنوحى يحدث نفسه)

ربنا بعينى
ويهدى بنت الناس
سماء: (تدخل من منتصف المسرح وتتجه نحو سنوحى)
إزيك يا عم سنوحى
بقالى كتير ماشوفتكش -
يا راجل يا طيب
سنوحى: زى ما انت شافه
شعري شاب وعجرت ..
ماعادش ليه فايده .
سماء: أبيدوس الجديدة
محتاجه حكمتك
وصبرك عليها
سنوحى: صحيح يا زينة البنات؟!
أنا لسه ليه عازه فى الحياة؟
سماء: ليه بتقول كده يا عم سنوحى؟
البستان المر فارد درعاته
وبيضال ناس كتير
خلّى الواحد منا
مش قادر يفرق
بين الحقيقة والكذب
سنوحى: لما انت عارفه كده
ليه ملامحك اتغيرت؟!

سماء: ملامح الحقيقة انغيرت
اشمعى أنا
سنوحى: البستان المر بيلغبط كل الوشوش ..
حاولى تكشفها
سماء: جاعرف .. مش جاعرف
جاعرف .. مش جاعرف
بصراحة أنا داخه
مش عارفه
مش عارفه
سنوحى: بلاش مكابره
شيلى العشاوره من على عنكى
قربى من أبيدوس ..
قربى ..
سماء: أبيدوس تاه
سنوحى: تاه لما توهتى
لما حاتشيلى العشاوره
وتعرفيه
حاتلاقيه
وحاتوصلوا مع بعض للحقيقة
ساعتها البستان المر
حايصنيق .. يصنيق .. يصنيق ...
ومش حايكونله وجود

إلا إيزيس

إلا إيزيس

.....

(أبيدوس فى الجانب الأيسر يتضرع ناظراً إلى

الجانب الأيمن)

أبيدوس: مولاي

ليه وليت وجهك عنى؟

ليه سيبت أبيدوس وحيد؟

عارف إن ذنوبى كثيرة

بس إنت أكبر-

من كل ذنوب الخلق

مولاي

مش عارف

إزاي أدور فى وادى أبيدوس

مش عارف

أطلع إزاي من مية النيل البصيرة

مش عارف يا مولاي

مش عارف

مش قادر

مش شاييف

خايف

خايف

خائف

صوت الكورس: إيزيس

إيزيس

يا درة العقد النفيس

ازرعى فى وادى النيل المقدس قلبك

أنقذى أوزوريس

إيزيس

إيزيس.....

.....

«إظلام تدريجى

مع انخفاض تدريجى للصوت»

(٦)

(صوت المغنى يتخلل ظلام المسرح)

المغنى: قوللى ليه؟

بطلتي ليه الأجوبة؟

بقيتى ليه متحجبة؟

دايرة شخوص متخشبة

طالعة تخش الصحرا

من حجر السما

عقاريت:

عقريت خفيف الدم

عقريت عبيط

عقريت بيخلق وهم

وعقريت فى إيده موهبة

قوللى ليه؟

بطلتي ليه الأجوبة؟

قُولِيْلِيْ لِيْهِ ؟

قُولِيْلِيْ لِيْهِ ؟

؟.....

«بَقْعَةٌ إِضَاءَةٌ خَافِتَةٌ تَخْتَرِقُ الظَّلَامَ وَتُظْهِرُ أَبِيدُوسَ

وَهُوَ مُضْطَجِعٌ عَلَى التُّبَةِ»

أَبِيدُوسَ : أَنَا فِين

أَنَا فِين

الصَّـمـدِى : سَرَقْتُكَ الْأَرْضَ

بِهَتَّتْ حُرُوفُ إِسْمِكَ

أَبِيدُوسَ : إِسْمِي ؟!!

أَسْ م

ى

فِين إِسْمِي .. فِين ؟!

الصَّـمـدِى : دَارِى الْجَرَحَ

إِتَّصَبِرْ

مَاتِبِقَاشَ ضَعِيفَ

أَبِيدُوسَ : مِثْلَ قَادِرٍ ...

.....

الصَّـمـدِى : قُومَ

إِغْرِسْ إِيدِكَ فِى الرَّمْلِ

إِغْرِسْ

أَنْصَبْ عَوْدَكَ

فتش في «الأفرو»
شوف دم أخوك المتفرق جواك
أبيدوس: لأ.. لأ
لا...
مش أنا
مش أنا
لا.. لا.. لا..

(جثة غير واضحة المعالم تظهر خلال إضاءة باهتة
وأدخنة)
الجثة: (تصرخ بصوت مبجوح)
أبيدوس..
أبيدوس..
أبيدوس: (مرتعداً)

فين فن فن فن..... (يقطع في الكلام)
(الجثة تتحرك ثم تقف ثم تتجه نحو أبيدوس)
الجثة: قوم.. قوم
أبيدوس: (واجماً)
مين انت مين
إنت مين
الجثة: مش فاكرنى
أبيدوس: مش فاكرك
الجثة: أخوك

أبيـدوس : أخوى!!
الجـشـة : أيوه أخوك
دمى لساه على توبك
أبيـدوس : (مرتبكة)
أنا.. أنا
لا.. لا
لا...
الجـشـة : فين سما
أبيـدوس : سما (صمت)
الجـشـة : قتلتنى
من يوم ما نسيت دمي
ونسيتها
أبيـدوس : نسيته!!
عمرى ما نسيته
فيه حد بينسى روحه
الجـشـة : استسلمت ليه؟
أبيـدوس : الجرح بيزيد
الجـشـة : كان لازم تفضل واقف
تحارب عشانها
لآخر نفس...
أبيـدوس : مش لما يكون فيه أمل
أحارب عشانه

الجثّة: متخاذل
اللى زيك هما اللى ضيعوها
وقتلونى
إنت اللى قتلتنى
إنت

أبيدوس: (منتفضاً)

ماقتلكش

لا.. لا

ماقتلكش

لا.....

(تعود الجثة إلى وضعها الأول وتخفى فى الظلام)

مش أنا

مش أنا

لا.. لا....

الصمدى: إهدا

أبيدوس: خايف.. خايف

الصمدى: قتللك إهدا..

إهدا..

ريح ع الرمل

إترحرح

عطشان؟

إشربلك بق ميه

أبيدوس: قريتى فاضية
الحرب ما خلش فى حجتى شىء
الصدى: ليه بتداير وشك عن الحقيقة .. ليه؟
أبيدوس: (معتزلاً)
الحقيقة هى اللى ضاعت
الصدى: إنت اللى ضيعتها
وقتللت أخوك
أبيدوس: (يصرخ)
قلتللك كفاية
كفاية
الصدى: حاتقدر تستمر من غيرى
أبيدوس: مش عارف
الصدى: حاتقدر تعيش ع الأرض
وتغفل عن السما
أبيدوس: مش عارف
قلتللك مش عارف
مش عارف يا أخى
مش عارف ..
مش عارف ..
الصدى: حاتقدر تبص فى صورة أخوك
أبيدوس: (بيكى)
أخوى .. (صمت)

الصدى: أخوك!

وحاتقدر تفكره تانى

بعد ما رميته فى الطريق

ترميه الريح للهو

أبيدوس: (مستسلماً)

تعبان

حاس كانى الشبح المفصوله دماغه عن الجسم

الصدى: أعصر دماغك

دور عن حبيبك بقلب

أبيدوس: الليل غميق

كل ما ادور فى جيوب الرمل عن الاسم

يتوه عنوانى

ف تجاعيد الصحرا

الصدى: عمرك ما حاتعمل حاجه

إنت غلبان

أبيدوس: تعبنا ..

تعبنا ..

إنت فين يا سما

إنت فين....

(تظهر سماء داخل شجرة من الإضاءة والأدخنة)

إنت فين

سماء: قدامك

لو بصيت كويس حاتشوفنى

بص كويس

أبيدوس: قرنى

سماء: قرب إنت

إعرف طريقى

أبيدوس: سيبيلى ولو دليل ضعيف

سماء: دليلك هو نفسك

أبيدوس: حاولت كثير وما وصلتش

سماء: مش بالكلام بس الوصول

أبيدوس: إدينى إيدك

سماء: قتللك الوصول صعب

مد أنت إيدك وحاول كمان

حاول...

(تخفى سماء فى ظلام المسرح وأبيدوس واقفاً يمد

يده للخلاء)

أبيدوس: استنى..

استنى...

(صوت المغنى يتصاعد وأبيدوس يقف صامتا)

صوت المغنى: قوللى ليه؟

بطلنى ليه الأجوبة؟

بقيتى ليه متحجبة؟

دايرة شخوص متخسبة

طالعة تخش الصحرا
من حجر السما
عفريت:
عفريت خفيف الدم
عفريت عبيط
عفريت بيخلق وهم
وعفريت فى ايده موهبة
قوليلى ليه ؟
بطلتى ليه الأجوبة ؟
قوليلى ليه ؟
قوليلى ليه ؟
«إظلام مع انخفاض تدريجى للصوت»

(Y)

(الشاشة الخلفية تعبر عن الخريف حيث الجفاف
وتساقط أوراق الشجر، موت النباتات وتشقق
الأرض)
«أبناء أبيدوس يقفون على المسرح يؤدون بعض
الطقوس متضرعين للسماء»

أبناء أبيدوس: (ينشدون)
يا جراح أبيدوس
إندملى
قد حان الوقت لتتكشفى
يا سماء
وتحيين الأمل
الطين اليابس يرتعد
النخل وأوصال الشجر
قد حان الوقت لتتكشفى

يا سماء
وتحيين الأمل

.....

.....

إله الأرض: (في الجانب الأيسر من المسرح - الجانب المنخفض)

أحفادك يا مولاي
حيارى وموهومون
ألتهم أوجاع الحاضر
عن أيام الماضى
وأحلام المستقبل
«أمون يظهر على كرسيه في الجانب الأيمن داخل بقعة أضواء»

أمون: يا إله الأرض

أرني بعض آياتك

أعطيك السر

إله الأرض: ثقلت يا مولاي على

ضاقحت حيلتي

ما عادت في القدرة

أى وسيلة

أى وسيلة

أنظر يا مولاي

(تنقل صورة آمون وإله الأرض إلى شاشة السينما
فى خلفية المسرح ويدخل ٣ شباب يتطوحن
والمسرح أشبه بالخلاء)

شباب ١ : إدينها كاسين نببت اللى هما

شباب ٢ : بنت الإيه ..

مشعشة معايه ع الآخر

شباب ٣ : مين اللى مشعشة

شباب ٢ : م ش ع ش عا خالص

شباب ٣ : ما تنطق يا جدع (يمسك برقبته)

شباب ٢ : حاقولك أهوه

شباب ٣ : إنطق بقى لصنربك

شباب ١ : على إيه

قلبكوا طيب

انفوا حانتخانقوا

شباب ٢ : البننت بتاعة امبارح

يا سلام عليها

يا سلام

يا

شباب ٣ : مش فاكر يا جدع ..

إنطق

شباب ٢ : يا غبى

البننت اللى كانت قاعده مع الواد الدهل ..

فى البار

شـاب ٣ : أبوه

افتكرت

يا بن الإيه

دى بنت لوز

ماشيه مع ولد دهل

مش عارف قيمتها

شـاب ٢ : يا سلام على وسطها

شـاب ٣ : يا عينى على عنها

على شفايفها

على سدرها

على....

يا سلام

يا.....

شـاب ٢ : تجنن بنت الإيه

شـاب ١ : بلاش تطيروا الكاسين من دماغى

شـاب ٣ : يا شيخ اتنيل

لما بيغو يطيروا نبقى نروح البار

نشوقلنا واحد مريش

نتسكح عليه

مش كده ولا إيه

شـاب ١ : على رأيك

إحنا ورائنا إيه
غير الإبداع والبار
يا سلام ع البار
يا
جميل قوى البار
«تعالى صوتهم بالغناء أثناء الخروج من خلفية
المسرح»
هات القزازه
واقعد لاعبنى
المرّه طازه
صوتك وحش يا ابني
هات القزازه
واقعد ناغبنى
المرّه طازه
قوم يا قمر غنيلي
هات القزازه
.....
(يخفى آمون من شاشة السينما ويظهر على
المسرح فى الجانب الأيمن)
آمون: ثقلت أوهام الأرض
لأنك غصصت البصر
ووليت الظهر

فصلك كرسيك
عن وادى أبيدوس
والمسافة ازدادت جفاءً
إخلع رأسك
وعندما تتيقن من الحقيقة
تبت مكانها رأساً جديدةً
إله الأرض: (يظهر فى الجانب الأيسر من المسرح)
لن أبحت عن عذري يا مولاي...
ولكن
إسمح لى
أن أطلق عينى فى وادى أبيدوس وأحلم
عفوك أكبر من كل خطايا الأرض
آمون: ضاق الطريق
واقتربت الساعة...
اقتربت الساعة...
(يختفى آمون وإله الأرض فى ظلام المسرح ويقعة
إضاءة تتحرك نحو أبيدوس)
أبيدوس: سما..
سما..
إنت فين
يالّه ندور مع بعض
عن البصايه اللى تقيد بيها الليل ونعدى

(بقعة إضاءة خافتة تُحرك سماء من الجانب الأيمن)

نحو أبيدوس في اليسار)

سماء: إنت ضعفت

سيبتنى لوحدى

أعوم ويا التيار

أبيدوس: ما اديتينيش أى شعاع من نور

عشان أقدر

سماء: كان لازم تسندنى

ولو غصب عنى

الدوامه لما بتلف الإنسان

ما بيقدرش يفرق الحقيقة عن الوهم.

أبيدوس: ملامحك الحقيقية

ابتدت تدارى

سماء: لأنك محاولتش ..

محاولتش تشيل الغيوم من قدامها

أبيدوس: إنت حيتى كده

ماملكتش غير أنى أسيبك

تدورى عن طريقك بنفسك

سماء: اتخليت عنى بسهولة

وأنا فى عز احتياجى لىك

أبيدوس: ما اديتينيش فرصة واحدة

ما أكونش فيها قليل الحيلة

سماء: اللي بيحب حد

يحارب عشانه

كان لازم تحارب عشاني ..

مش استاهل .

أبيـدروس: قلة الحيلة ..

إنت عارفه معنى إيه قلة الحيلة؟

قلة الحيلة معناها الموت

لما الواحد منا ما يقدرش يشوف

ولا يسأل ولا يسند الناس اللي بيحبهم

يبقى الموت .. الموت

هو فيه حد بيحارب وهو ميت

سماء: دور عليه من جديد

يمكن تلاقيني في يوم من الأيام

في العصر ده

أو في عصر غير العصر

وأوان غير الأوان

حاول وحاول وحاول

يمكن تلاقيني .. يمكن .

«تختفي في ظلام المسرح»

(人)

(إضاءة خافتة وأبيدوس يرقد متصجعاً على التربة

الرملية مجهداً)

صوت المغنى: الليل أيام تمر

وسنين تجيب سنين

أبيدوس كل ما بيدور

يتكعبل فى الدليل

شريط أبيض منور

من توب سما الجميل

يسمع صوت الطرمية

مخنوق جوّه الليالى

يتوه بين سامبا ورومبا

وشناكل كعب عالى

يتهد حيله تانى

يقعد فى الليل يغنى

مشغول البال عليل
كل ما يلمح سحابة
يجرى ويندّه عليها
يسألها عن الدليل
الليل أيام تمر
وسنين تجيب سنين
سنين تجيب سنين
.....

«ينخفض الصوت تدريجياً»

الصدى: الأيام بتمر

والشهور والسنين والعصور
حاتفضل كده تايه فى الماضى؟
والحياة بتتسرق
حرر من جواك النيل
حب أى سما جديدة
إننت ليه متمسك بيها؟ ليه؟

أبيدوس: مش حاتقدر تفهمنى

سما بالنسبالي أبيدوس الجديدة والقديمة
والناس والنيل والوادي والد.....

فلنالك مش حاتقدر تفهمنى

الصدى: برضك مش عايز تفوق من وهمك القديم

حاول تعيش أيامك

أبيدوس: وهمى القديم!!
وهمى القديم هو حقيقتي
هو الشعاع الوحيد بيني وبين الحياة
من غيره انتهى
أفوق منه!! إزاي؟.. إزاي؟
(يظلم المسرح تدريجياً ويتصاعد صوت الكورس
بأنشودة إيزيس)

الكورس: إيزيس
إيزيس
يا درة العقد النفيس
ازرعني في وادي النيل المقدس قلبك
انقذي أوزوريس
إيزيس
إيزيس
«ينتهي الصوت مع إظلام»
«بقعة إضاءة تخترق الظلام - أبيدوس بعد أن شاب
وإنحنى عوده.. في الجانب الأيسر من المسرح»
أبيدوس: شما..
شما
إنت فين يا شما
إنت فين
(طفلة تدخل من الجانب الأيمن وهي تنط الحبل،

تتجه نحو أبيدوس)
الطفلة: عايز حاجة يا جدى
هات إيدك ..
إتسند عليه
ماتخفش
أبيدوس: قربي شوية
هات كتفك (يضع يده على كتفها)
الطفلة: حاضر يا جدى
أبيدوس: قوليلي بقى
إسمك إيه ؟
الطفلة: إسمى سما .. إسمى سما
أبيدوس: بتقولى إيه ؟!
الطفلة: باقولك سما يا جدى .. سما
أبيدوس: شما!
لأ يا جدى
سما مش شما
أبيدوس: خلاص يا غلاباوية
إسكتى بقى
الطفلة: طب ياله نلعب الاستغماية
وأنا اسكت
أبيدوس: معقولة أجرى وانتنطط!!
فى السن ده !!

الطفلة: (تبكي)

لأ.. لأ

ماليش دعوه

أنا عايزه ألعب الاستغماية

أبيدوس: (يمسح دموعها)

ماتيكيش

الطفلة: (تعطيه المنديل)

أربط لى عنية

أبيدوس: طيب (يعصب لها عينيها)

(تحاول الإمساك به حتى تمسكه)

الطفلة: (مهله)

إيه.. إيه.. إيه

مسكتك يا جدى

ياله بقى هات أربط لك عينيك

(ينحنى تعصب له عينيها)

(يحاول الإمساك بها، تخفت الإضاءة وهم يخرجان

من المسرح)

(بقعة إضاءة تخترق الظلام ، طفل يتحرك من

الجانب الأيسر نحو الجانب الأيمن)

الطفل: سما..

يا بنت يا سما

إننتِ روحتي فين

سما.. سما...
(بقعة إضاءة، سيدة عجوز تتحرك نحو الطفل آتية
من اليمين)
العجوز: مالك يا ولدى؟
بتدور على إيه؟
الطفل: بادور على سما
العجوز: شما!!
شما مين!!
الطفل: سما صاحبتى
كنا بنلعب مع بعض
آه..
كنا بنلعب مع بعض هنا
(يشاور نحو التبة)
وضاعت منى
العجوز: طلب يا شيدى..
باله ندور عليها مع بعض..
إمشك إيديه طيب (يمسك بيدها)
إشمك إيه؟
الطفل: إسمى أبيدوس
العجوز: أبيدوش!! (صمت)
الطفل: مالك يا جدتى؟
العجوز: مافيش يا حبيبى

(تحدث نفسها)
فكرتني بأيام زمان
كنت شما
وهو أبيدوش
الطفل: بتقولى إيه يا جدتى؟
العجوز: باقول..
يالله يا أبيدوش الصغير
ندور عن شما الصغيرة
عشان أبيدوش الجديدة
تفضل عايشة
الطفل: مش فاهم حاجة
العجوز: مشيرك حاتفهم
يالله ندور عليها.. يالله
«فى صوت واحد»
سما.. سما
انت فين يا سما.. سما
«صوت الكورس يردد أنشودة إيزيس»
صوت الكورس: إيزيس.. إيزيس
يا درة العقد النفيس
إزرعى فى وادى النيل المقدس قلبك
أنقذى أوزوريس
إيزيس..

إيزيس..

«إسلام.. مع انخفاض تدريجي للصوت»

(9)

«بقعتا إضاءة تخترقان الظلام وتتحركان بين
آمون وإله الأرض»
إله الأرض: (فى الجانب الأيسر، المنخفض)
إفض يا مولأى من فيض عطايك على..
غامت السماء
وجف النيل
ما عادت فى القدرة
أى وسيلة..
أى وسيلة..
آمون: (فى الجانب الأيمن، المرتفع)
أعطيتك ما لم أعط لإله قبل
أعطيتك نجم أبيدوس الساطع
وسماء أبيدوس الصافية
لكنك لم قبل بلاء حسناً

وتركت الأصدااء تردد
ففى أنحاء أبيدوس الوهم .
إله الأرض : حدودى ضيقة يا مولاي
وأنت تحملنى ما لم أقدر
كلت يداى
وكف بصرى
أمــــون : كفاك نكراناً
إله الأرض : موو...
أمــــون : أصمت
ما أهون أحقاد آمون
ضمانر تتكور
وعقول تتحجر
ونفوس ضعيفة
إله الأرض : غضبك يا مولاي عظيم
إغفر لى ضعفى
أمــــون : لم تحفظ عهدك
وتحارب من أجل آمون
إله الأرض : صفحك أكبر
أمــــون : انصرف الآن ..
إنصرف ..
قلت لك
ضاق الطريق

واقتربت الساعة
(إله الأرض يختفى فى ظلام الجانب الأيسر)
آمــــون: أيها الخادم
اخرــــادم: (يدخل وينحنى)
أمر مولاي
آمــــون: أأمر حورس بالمثل أمامنا
إذهب على الفور
اخرــــادم: سمعاً وطاعة
يا ملك الآلهة (يخرج)
آمــــون: (يحدث نفسه)
أبيدوس الجديدة
ما بالك مثقلة بالهموم
أنفضى عن كاهلك الزياء
انتظري مداد رحمتى
لا مخرج للأرض
إلا السماء
اخرــــادم: (يدخل)
مولاي حورس يستأذن بالدخول عليكم
آمــــون: أدخله (يخرج الخادم)
حــــورس: (يتقدم ويقدم فروض الولاء)
رهن أمر جدى ومولاي الأعظم
آمــــون: أفرد جناحيك

أحمل سلم الصعود
ضعه موضعاً مناسباً
بين أبيدوس الجديدة
وعرش آمون
حورس: ثم ماذا؟!
ماذا يا مولاي؟!
آمون: فقط عليك أن توجه بصيرة إيزيس إليه
حورس: وأوزوريس
آمون: هو لا يعرف غير إيزيس نجاه له
حورس: إذن العودة يا مولاي؟
آمون: نعم العودة يا حورس
نعم العودة
حورس: سأفقد يا مولاي..
لكن... (صمت)
آمون: ماذا؟! تكلم؟
حورس: أمهلني تسع دقائق
كعدد الدرجات الواصلة ما بين العرش وأرض
أبيدوس الجديدة
آمون: أمهلناك
ولتبدأ الآن
حورس: الآن.. الآن
الآن يا مولاي

الآن.... (يختفى في ظلام المسرح)

آمون: إصعدا الآن

يا ابناي إصعدا

لا مخرج للأرض

إلا السماء

إصعدا.. إصعدا

إصعدا..... (ينتهي الصوت مع اختفاء آمون في

ظلام المسرح)

«إضاءة خافتة ودخان، عرش آمون في الجانب

الأيمن، وساحة أبيدوس الجديدة في الجانب الأيسر

يصل بينهما سلم من تسع درجات»

صوت ست: (يقهقه) هه.. هه.. هه....

لن تمطر السماء

لن ينبت الحب

لن ولن ولن

سيموت الأمل

سيبقى قلب أبيدوس هكذا

خاويًا خائياً من الحياة

هه.. هه.. هه..

لن تمطر السماء

.....

صوت سنوحى: ما نصحكش

لسه مشوارنا طويل
طول ما فيه أبيدوس جديد
فيه سما جديدة
حانمطر
وحاينبت الحب
بزرع جديد
وأمل جديد
ونبض جديد في قلب أبيدوس
لسه مشوارنا طويل
لسه مشوارنا طويل
أبيدوس الصغير: (يخرج من الجانب الأيسر ويتجه نحو اليمين)
سما.. سما
الكورس: (يردد)
إيزيس.. إيزيس
(تخرج سما من الجانب الأيسر وخلفها أبيدوس
والمسافة بينهما ٣م تقريباً وتتجه نحو سلم الصعود
مع إيقاع موسيقى الكورس يردد أنشودة إيزيس)
«تصعد أول سلمة» «يصعد خلفها أوزوريس»
الكورس: إيزيس.. إيزيس
«تصعد السلمة الثانية وخلفها أوزوريس»
الكورس: إيزيس.. إيزيس
«تصعد الثالثة وخلفها أوزوريس»

الكورس: إيزيس.. إيزيس

«تصعد الرابعة وخلفها أوزوريس»

الكورس: إيزيس.. إيزيس.....

«فى السلمة الخامسة، منتصف المسافة، تنبسط

المشاعر الكامنة فى قلب سماء وتصرخ،

سماء: أبيدوس.. أبيدوس

الكورس: (يردد)

أوزوريس.. أوزوريس

«تحاول الإمساك بيده ليستطيع الصعود، ولكن

ينتهى العرض أو المشهد وهناك مسافة ما عالق

بين اليدين وتخفت عندهما بقعة الإضاءة،

(فى الجانب الأيسر لم يدل أبيدوس الصغير يبحث

عن سمائه)

الكورس: (يردد أنشودة العفو مع تصاعد موسيقاها تدريجياً

وانخفاض موسيقى أنشودة إيزيس)

آمون.. آمون

يا إله طيبة الجميلة

يا مسير العقول والجنون

إفض من فرط محبتك على الماء

ينبت من قلب إيزيس سماء

ومن ظهر أوزوريس أبيدوس

خميلة

آمون..
يا إله طيبة الجميلة
آمون..
أمووووون
(يظلم المسرح
وينتهي الصوت)

(مقدم العرض يخترق ظلام المسرح ويخرج

للجمهور مرة أخرى)

المقدم: (وقد أصبح جاداً ينطق بالحكمة)

ملئت من السكر

ألم تملوا؟!

تعبت من الوهم

ألم تتعبوا؟!

(يشير نحو المتفرجين)

انتظروا

قدمت لكم

وأنا ثمل

سواء أهدت أبيدوس الحياة

فلما استيقظ من حلمه

لم يجد منه

غير جرح جميل

ونص مسرحي

حكم بيننا

فماذا بعد؟

فماذا بعد؟

فماذا بعد؟

«يغيب في ظلام المسرح»

ثانياً: (أ)

العصاة

الشخصيات

المسرح عبارة عن (أ) منصة العرض (ب) الصالة
أولاً: منصة العرض
٩ - ست الحسن
١٠ - الشاطر حسن
١١ - الحاوي
١٢ - الراوي
١٣ - ملك الجن
١٤ - شبح الحاوي
ثانياً: الصالة:

- ١ - الفتى (حوالي عشرين عاماً)
- ٢ - الفتاة (حوالي ثمانية عشر عاماً)
- ٣ - متفرج ١ (طفل حوالي سبع سنوات)
- ٤ - متفرج ٢ (طفل حوالي سبع سنوات)
- ٥ - متفرج ٣ (الزوج) (فوق الثلاثين)

٦ - المتفرجة (الزوجة) (أقل من الثلاثين)

٧ - متفرج؛ (طفل حوالى سبع سنوات)

٨ - الطفلة (حوالى سبع سنوات)

٩ - الدرويش (فوق السبعين)

١٠ - البائع (فوق الثلاثين)

شخصيات أخرى:

شخص ١، شخص ٢، لص ١، لص ٢، السيدة، الحارس، أهالى البلد،
المجموعة، المغنى، المغنية، الكورال، الكومبارس، الأم، الأطفال،
المتفرجون.

الشهد الأول

الديكور:

- ثلاثة توابيت يفصل بينها صخرتان أكبر قليلاً من حجم الإنسان
- لوحات خلفية تتغير بتغير المناظر
- نماذج لثلاث نخلات
- مكان منخفض، يغطيه بساط، وبعض الكراسي

يرفع الستار
(في المشهد صخرتان مشبوح عليهما فتى وفتاة،
بأقى المسرح مظلم)
صوت الراوى: (من الكواليس)
(الهاوى يقف فى الجانب الأيمن).
الهاوى لساه ع الرصيف
صوت الكورال: (من الكواليس)
الهاوى لساه ع الرصيف
الـراوى: (بعد أن يدخل إلى المسرح ويتجه من الجانب
الأيسر نحو المتفرجين)
بيكبّر بعصايته الخوف تخاريف
صوت الكورال: بيكبّر بعصايته الخوف تخاريف
الـراوى: ييىص من قلب الحجارة عذارى
صوت الكورال: ييىص من قلب الحجارة عذارى

الـراوى: يبص من قلب العذارى الريف

صوت الكورال: يبص من قلب العذارى الريف

الـراوى: لساہ ببسرح فى الخلا

صوت الكورال: لساہ ببسرح فى الخلا

الـراوى: بيغنى لحن الجلجلا

صوت الكورال: بيغنى لحن الجلجلا

(يدخل الحاوى من الجانب الأيمن للمسرح محاطاً

بمجموعة من الكومبارس يتقدمه صوته مردداً وهو

يشير بعصاه تجاه الصخرتين).

الحـاوى: جلا جلا.

يا هل ترى؟

لسه الولد مسحور؟

لساها البننت مرصوده ف حجر؟

يا هل ترى؟

شجر الشتا مسكون

ولأ اليراق ناوى

يفطر بمين

يابو الخلا

جلا جلا

(طفلان يتهامسان)

متفرج ١: (طفل لا يتعدى الـ سبع سنوات) (مؤنبا)

جبان بتخاف والمرسح مليون

أمال لو كنت لوحديك

الطفلة: شوفت إزاي أنا مش خايفه

متفرج ٢: (مدافعا)

مش مش خايف (متلعنما)

هو أنا عبيط

(يشير الحاوي بعصاه تجاه التوابيت؛ فيخرج منها

ثلاثة أفراد خلفهم شيخ الحاوي «شيخ جرم يتعدى

الخمسين»، يسوقهم بكرياجه فيتحركون حول

التوابيت حركة شبه مبرمجة)

متفرجون: (أطفال، يهللون)

يا عبيط يا عبيط

عفاريت طالعة من التوابيت

عفاريت طالعة من التوابيت

يا عبيط

يا عبيط

الدرويش: (مهددا)

بس خلاص

كفاكوا حديث

القاعد يوسع لزميله من غير تخبيط

متفرج ١: قولى يا عم

مين الحاوي ف دول؟

اللى بيرمى على الأرض عصايته

ولألى على يمين المسرح بيدور حولين

التواييت الناس

الطفلة: همّا دول ناس ولا عفاريت

البائع: (بصوت مرتفع) حاجه ساقعة

يا لبّ وقول ببلاش

الدرويش: (لطفل ١) بص معاين على البرواز

(ينظران تجاه الحاوى)

الحاوى: جلا جلا

يا هل ترى

شجر الشتا مسكون؟

ولأ البراق ناوى

عافف وعاوى

يمرق يكن

درويش وجن

يلبد بفرو اللوف دوف

يرمع لآخر الخوف

بناااااام

الدرويش: (وهو يربت على كتف الطفل ١)

انلقت حواليك

الناس كلها سرحانة ونايمة فى عين الحاوى

عشان ما عصاية الحاوى خيال

شايف

(الأدخنة البيضاء التي يتخللها أفراد يلبسون ملابس
بيضاء، واللوحة الخلفية التي تمثل قصرًا أبيضًا غير
محدد المعالم لتزاحم الشخصوس؛ يشكلون المشهد
الدرامى)

الــــراوى: يا سلام (متأملًا)

القصر على

ملوك موالى

الريح ملاك

الشجرة بتخلف ممالك

السما للأرض بتندى البنات

يا سلام

يا.....

مــــفرج ١: يا جدى يا جدى.. الله..

ليه بتستهيفنى كل ما بستفسر عن حاجه؟

مع إنك مش ع المرسح ويا الحارى

لكنك أقرب للخلق

وأقرب لى

الطفلة: عم يا درويش

دقن جدى أطول من دقنك

الدرويش: خدى قمع الحلاوه ده

واقعدى ساكته

مــــفرج ١: يا رب تعيش

تَعِب.....

الدرويش : (مقاطعا) بس يا غلباوى

الطفلة : ماتقولش عليه كده

خذ الحلاوة بتاعتك

أنا زعلانة

الدرويش : ماتزعلش

مش حاقوله كده تانى

خلاص

أفعدى بقى ساكنة

خليكى جدعه

الطفلة : حاضر يا جدى

الدرويش : (ينظر تجاه الحاوى)

الحاوى حايبدأ لعبته من تانى

متفرج ١ : ليه يا جدى بتتخطى سؤالى

الدرويش : كفاياك .. حاول تفهم من غير ما تتكلم

بص هناك

فى عيون الواد والبننت المساكين

يمكن تقدر تفهم حاجة

متفرج ١ : يوووه

مش فاهم

إيوه مش فاهم

حاخذ إيه من بصى عليهم

أنا حاطلعلهم المرسح وأسألهم
أسألهم مين الحاوى
وشبحهم ع الصخر دأ ليئه
(يمسك بيد الطفلة) تعالى
الطفلة: لأ يا خوى
مفـرج ١: ما تخفيش يا عبيطة
إحنا حانطلع للواد والبنت
اللى على المرسح
علشان يقولونا مين الحاوى
ونقدر بعد كده نلعب معاه
تعالى بقى
(يصعدان المرسح، ويقفان أمام الصخرتين)
«عندما لمس الطفل البنت، تحررت من الرصد،
صرخت»
البنت: يا شاطر حسن
«وعندما لمست الطفلة الولد، تحرر من سحره،
صرخ»
الولد: ست الحوووسن
(يقتربان، يمسك بيدها ويهرب بها خلف الكواليس،
وبعد لحظات يسمع صوتهما وترى ملامح ظلهما
كاملة خلف ستار خيال الظل فى مشهد رومانسى
حالم) «تنتقل الإضاءة»

الفتاة: (متفرجة من الصالة، توجه الحديث إلى فتاها)

أنا حاسة بحزن

رغم إن المشهد بدا يتفتح وتروق الصورة

الشاطر حسن: (متفرج من الصالة)

يااااه

يا ست الحسن

كام سنه والحاوى مورينا

واحنأ يادوب مترين تفرق ما بنينا

جبال من هم عريض القفا

الفتاة: كل ما يقفقتى البرد

ويلفقتى الخوف

دور درعاتك حوالنيه

يمكن أحس بدفا

الفتى: (متودداً)

ما تخفيش

الشاطر اتعلم

مش حايفرط فى حبيبته

ولا تانى حايبكون للحاوى رهينة

ست الحسن: طوفتى

الشاطر حسن: يااااه

يا ست الحسن

ست الحسن: ياااه

يا شاطر حسن

الشاطر حسن: تعالى ف باطى

ست الحسن: ضمنى قوى

قوى

قوى

آلاه

(يتمددان على مكان مرتفع نوعاً ما خلف الستارة -

ويتحرران تدريجياً من ملابسهما فيبدو ظلّهما

واضح التفاصيل) ..

(صوت الراوى وخلفه صوت الكورال، مع موسيقى

هادئة)

الـراوى: يا سلام

السما يتطاطى يتطاطى

تتأاام

أبو الهول يتمطّع جوّه النيل عريانُ

يتفلفص لكن مش قادر

لإن العنب الطايب

طيب

العشق عجيب

البنيت القمرة الواد يهمسها

تكب البحر ف صدرها

وتغيب،

تعيب
(يخفت الصوت تدريجياً، مع إظلام تدريجي
ويسدل الستار)

المشهد الثاني

الديكور:

- فى الجانب الأيسر من المسرح، منزل ريفى من الطين، به طاقة داخلها لمبة جاز صغيرة الحجم تسمى «الشيخ على»
- فى الجانب الأيمن خلاء يمثل غيطان القرية، يتصدره شجرتان
- بين المنزل والخلاء توجد الصخرتان اللتان كانتا فى المشهد السابق

يرفع الستار
(الإضاءة تحدد الحاوى وحوله مجموعة من
الأطفال، وهو يرفع عصاه تجاه الجانب
الأيسر)

الحاوى: (رافعا صوته) جلا جلا

يا ملوك الجان

هنا كانت ست الحسن والشاطر

عائشين فى أمان

جلا جلا

يا ملوك الجان

الأطفال: جلا جلا

يا ملوك الجان

جلا جلا

يا ملوك الجان

.....

(تَخَفَّتْ الإِضَاءَةُ تَدْرِيجِيًّا، ثُمَّ تَظْهَرُ بَقْعَةٌ أُخْرَى مِنْ
الإِضَاءَةِ، يَخْرُجُ مِنْهَا الرَّاوِي فِي الْجَانِبِ الْأَيْسَرِ،
مُشِيرًا إِلَى الْمُتَفَرِّجِينَ)
الـراوى: لَوْ إِنْ فُخِرَ الْحَاوِي
الدُّنْيَا -
وَجِئْتُمْ مَلِكًا،
الْعَقْدُ فِي جَيْدِ الْبِنْتِ
الْمَالِكُ وَالْمَمْلُوكُ
مِنْ حَايِمَتِ دُورِ الشَّاطِرِ وَمِنْ حَايِمَتِ دُورِ
الصُّعْلُوكِ
مُتَفَرِّجٌ ١: (بِغَضَبٍ) يَا عَمَّ يَا عَمَّ
أَنَا بِرِضْنِكَ مَشْفَاهِمُ
عَمَلٌ تَخْشَى مِنْ حِكَايَةِ لِحَاكِيَةٍ
مِنْ غَيْرِ مَا تُفْهَمُنِي
حَاجَةٌ تُكِيدُ
الـراوى: أَصْبِرْ يَا وَلَدِي
أَقْعُدْ عَلَى حَيْلِكَ وَارْكُزْ
كُلَّ حَاجَةٍ بِنْتَقَالَ بِتَقِيدٍ
(إِظْلَامٌ لِلْحِظَاتِ، ثُمَّ بَدَأَتْ الإِضَاءَةُ تَتَحَرَّكُ بَيْنَ
الشَّاطِرِ حَسَنٍ وَسِتِّ الْحَسَنِ فِي الْجَانِبِ الْأَيْسَرِ،
وَالْحَاوِي فِي الْجَانِبِ الْأَيْمَنِ)
الـحاوى: الشَّاطِرُ جَاءَ بِحِصَاوِي الْجَمْرِ

وست الحسن بتتطط
تحدف من كك الجلابية اليوسفدى
وتمد له الإيد

ست الحسن : ياااه يا شاطر حسن

ياللى الكون فى عيونك عيد
فتولنى فتاول حنه
أفرك كفينى بكفينك حنه
نسرني نساير مفتوله
على ضلوعك مجداف

الفتى : (فتى فى سن العشرين، يضم الفتاة إلى صدره)
قدش دموعك غالية..

ست الحسن هي حلم كل شاطر
متفرج ٣ : (رجل فى سن الثلاثين، ممسكاً بابه)
إنت بتتنفض ليه..

خايف

متفرج ٤ : (طفل فى الخامسة من عمره، مرتعداً)

مش خايف

أنا بردان بس.. لحظه صمت

هو دا مش تمثيل

يعنى كده وكدا

الفتاة : (متفرجة فى سن الثامنة عشر)
الشاطر حلم كل الصبايا

الـحـاوى: خَلِّكُوا مَعَايَا (وهو يشير بعصاه إلى الجانب الأيسر)
(يظهر شبح الحادى، يتقدم من الجهة اليسرى،

يصعد فوق إحدى الصخرتين)

شبح الحاوى: جلا جلا جلا

ألا أونا ألا دو ألا تريه

مين حينول ست الحسن

الشاطر حسن

ولا البيه

ألا أونا ألا دو ألا تريه

جلا جلا جلا

(يدخل بعض الأهالى من الجانب الأيسر للمسرح،

يلتفون حول شبح الحاوى)

(تنظر الأم وإثنين من أولادها إلى المقدمة ويبدأ هذا

الحوار)

شخص ١: يا جماعة

بلا شاطر حسن بلا خيبة

دا فقري ونفري وماحيلتهوش حاجه

: بس يا ولدى

الأم

دامنا وعلينا

وحايصون بيتنا

شخص ٢: بصراحة

أنا مش مستريح للغريب

شخص ١ : بتقول إيه؟

الغريب دا يبقى بيه

وحايتاقل يتنا بالمال

الأم : هي الحياة يا ولدى

بالمال بس

شخص ٢ : ولا يعنى الراجل بجيبه زى ما بيقولوا صح

شخص ١ : إيوه يا سيدى

الراجل مايعبوش غير جيبه

قولتلكم الغريب قوى بقلوسه

وحايقدر يحميها

شخص ٢ : عيب يا اخى على دقونا دى

اختشى

هو احنا مش رجاله

ولا حريم احنا عاك

شخص ١ : هي المرجلة

تدى وشك للريح

شخص ٢ : (غاضبا يشيح بذراعه)

إيوه نتدفن احسن

بدل ما نموت واحنا حيين

الأم : (باكية) ما فالحينش غير فى الشباط

إنتوا ولادى!؟

اللى ربتكم بإيديه دول

رُوحُوا قَلْبِي وَرَبِّي غَضَبَانِ عَلَيَّكَ

(تتحرك للخروج من المسرح)

شخص ٢: إسنّني يا امه

خديني معاك

إسنّني

إسنّني (يخرج خلفها ويتبعه شخص ١)

الشاطر حسن: (يلاحق ست الحسن)

إسنّني.. إسنّني

نفسى أشوفك مش فى الحلم ولو مره

أهما كتافى

إنكى عليهم وانتصبي

رغم إن البحر سلبنى دماغى

قلبي بيقدر يتحمل عشقك

الفـاءة: (الفتى)

شيل إيدك من عليه

مستكرع الشاطر

يتاقلها من الطايّب والطيب

الشاطر حسن: ياااه

بيني وبين الحلم يا ست الحسن

مهر وجلاليب وطريق محاسيب

الفـاءة: ما تاخديش على خاطرك

اسمعى مليح وبلاش تقطيب

إيه حافيد ست الحسن
من الماس والجاه
وهي بتخسر مع كل غيامه حبيب،
هو الجرح المغصوب بالزفة الكدابة
يطيب

الفتاة: تعبانة

الفتى: حاسة بيايه

ست الحسن: حاسه بدوخة

الفتاة: يوره عليك (تشير للفتى)

حاول تذوق في عيوني اللوحة

الشاطر حسن: (لست الحسن)

النيل مش غاوى عروسة مولد ممسوخة

عصاية الساجر كرياح

مش قادر أفرك عيني

ولا قادر أغمضها

البحر ف صدري حزين

بيسقى الخوف جواي

إتمددى في عيوني

كوني النهر

الخلق

الدنيا

يمكن يفلتنى البحر أعود

أو أموت (يتحركان ببط ويخرجان)
متفرج ٣: (متأملاً، موجها حديثه إلى زوجته)
ست الحسن جميلة بشكل!
حاجه هلاك
متفرجة: (الزوجة)
عجباك
(تمسك بإبنها)
قوم ياواد نفوت له المسرحية
(تشيح بيدها) اتفرج ياخوى
إشبع بيها
متفرج ٣: يا بت يا مجنونة
(ممسكا بيدها)
أقعدى طيب
هى كل حكاية يقولها الحاوى
وتظهر ست الحسن على المسرح
أبقى أنا ويأها
وتدخل فى فيها
الباع: تفالاح
تفالاح سواح
بيحلى البقى ويرسى الجوز الصرماح
تفاح بواح
فى الرقيق يرتاح

تفاهات

قربى يا هانم

خدای تفاح تفاح

تَفَاح

المتفرجة: خذ

إِدِينِي تَفَاحَتَيْنِ

متفرج ۳: (الزوج) تفاعلتين بس

دا انت بخيله قوی

المتفرجة: إيوه.. تفاحه للواد

وَتَفَاحَهُ نَاكِلَهَا إِحْنًا لِتَنِينِ

متفرج ۳: یوه

وَعِشَانِ إِيهَ كُل دِه

المتفرجة: عشان تجرى وراى طول العمر

ماتہملنیش واصل

متففرج ۳: طيب

بس اياك ربنا يهديكى

(دخول الممثلين، فتيان وفتيات القرية، وزفة ست

الحسن للغريب، أما الشاطر يراقب الزفة من بعيد)

فتیان البلد: (یصفقون حول العرو سین ویغنون)

المسغنى: حمامة بيضة داخل البنية

المجموعة: حمامة بيضة داخل البنية

المغنى: الشعر سايب والعيون عسليّة

المجموعة: الشعر سايب والعيون عسلية
المغنى: إركب حصانك يا جدع وتعالى
المجموعة: إركب حصانك يا جدع وتعالى
المغنى: البنت بيضة مذوقة وعجانة
المجموعة: البنت بيضة مذوقة وعجانة
فتيات البلد:
المغنية: دا أنا بنت بيت ابوى من بدرى مترييه
المجموعة: دا أنا بنت بيت ابوى من بدرى مترييه
المغنية: عمر الغريب بالمال ما يملى عنيه
المجموعة: عمر الغريب بالمال ما يملى عنيه
المغنية: بننك يا بوى أوعك نفرط فيه
المجموعة: بننك يا بوى أوعك نفرط فيه
حمامة بيضة داخل البنية
(بخفت الصوت، وبدأ الحوار بين ست الحسن
والشاطر حسن)
ست الحسن: محتاجك
طلعتنى من الزفة
قرينى منك
الشاطر حسن: وشوش غريبة كثير
وقفت بينا
ضيعوا ملامحك
وشتتوا عقلى

أوصفيلي شكاك

حدديلي مكانك

الفتاة: الوشوش هي اللي غريبة

ولا ست الحسن اتغيرت

الفتى: لا ست الحسن بتتغير

ولا الشاطر حسن

المسافة بينهم هي اللي بتزيد

والملاح بتغيب

قد رحمة المحاسيب

ست الحسن: حاول تتذكر

حاول

(تشير إلى الرسم التعبيري على اللوحات الخلفية)

مش دي القمره

الطالعة من الغيمة

تود النيل

أنا وإننت الوليفين (يتعانقان)

أجرى (تجرى)

أساع الكون

وإننت تميل

على شعري

وتتوصنا

(يمسك بشعرها، يحتضنها، تهرب منه وتخفى في

هالة الأبخرة)
الشاطر حسن: (بمفرده يتأمل)
مش فاكّر شئ
ماتلخبطنيش
حافى وحفيانه الأيام م الصلّه
لا أنا شايف القمره
ولا شايف النيل
ياريتني ما كنت نعت الليل
ولا شوفتك
(الإضاءة تتابع الطفل والطفلة، فى الصالة)

الطفلة: تيجي نلعب الاستغماية
متفرج ١: ياله
بس مين يتغمى الأول
الطفلة: انت الأول
عشان إنت واد
متفرج ١: لأ إنت الأول
عشان إنت بت
الطفلة: لأ انت الأول
الله بقى
(يضع المندبل على عينيه، ويحاول الإمساك بها)
الطفلة: إن كت راجل امسكنى
متفرج ١: أنا راجل وحاشوفى (يمسك بها ويتبادلان الدور)

(الطفلة تعصب عينيها بالمنديل وتحاول الإمساك

به)

متفرج ١: ان كنت جدعه

إمسيني

الطفلة: حامسك

(تشيل أو تنزع المنديل من فوق عينيها وتحاول

الإمساك به، يجريان، يصعدان إلى منصة العرض

ويهبطان إلى الصالة، حتى تمسك به وتضع

المنديل على عنيه)

(تدخل من المتفرجين ومتابعة الاضاءه)

لص ١: وأنا باجری حاصدم بيها

وأقول:

النخل الشرقي إتحرق

لص ٢: أنا ليلك ما عليه

حانتش منها الكردان والحلق

(بعد قليل الاضاءه تتركز على سيدة تصرخ وتلطم

الوجه)

السيدة: (إمرأة في سن الأربعين)

يا مصيبيتي

يا لهووى... يا لهووى

إحقوني يا خلق

دهبي اتسرق

(تحدث ضجة يختفى على أثرها السيدة واللصان
من الفتحات الجانبية)

ست الحسن: (تركين إلى إحدى الصخرتين)

بكفاية حديث

شَقَابَتِكَ جَرَحَتْنِي

مش إنت اللي عَشَقْتِكَ

ولا ذا الوش اللي عَرِفْتُ الأحلام فيه

بتعيش الجاي

والذكرى

أقولى: يا بت

سببيه فى الهوى

لكن شئ جواى

يحدفتنى من النيل للشط انتظرك

أنتظرك....

(تدخل من الصالة)

البائع: يا انا مثل.....ج

حاندوق وتروق وحانيقى تمام

عنايب ولمون

يا له يا عطشان

إشرب حاتكون طير بيحلق

آاه

يا انا .. مثل.....ج

الفَتَاة: اسْتَنَى يَا عَم
خُدْ، إِدْبَنِي حَاجَةً سَاقِعَةً
(تَنْظُرُ إِلَى أَحَدِ الْمُنْفَرَجِينَ بِجَوَارِهَا)
جَنْبُكَ فَسَحَايَةَ أَتَاخِرُ
الفَتَاة: (يُوجِهْ حَدِيثَهُ إِلَى الْفَتَاةِ)
الْمُسْرَحِيَّةُ شَدَانِي قَوِي
مَعَ إِنِّي تَعْبَانُ
حَاتَايَعَهَا لِلْآخِرِ
سِتُ الْحَسَنِ: لِيهِ يَا شَاطِرُ حَسَنُ
إِرْجِعْ لِقَلْبِكَ؛ حَايِدُكَ
الشَّاطِرُ حَسَنُ: (يَبْدُو عَلَيْهِ الْإِعْيَاءُ، يَجْلِسُ إِلَى إِحْدَى الصَخْرَتَيْنِ)
تَتَايَعُهُ بِقَعَةِ الصَّوْوِ
دُورَانِ الْبَحْرِ صَبْغَنِي
دُوخَنِي فِي نَوْمِي
فَطُسْ صَنِ اللَّيْلِ فِي اللَّيْلِ
فَلْتَنِي بِأَعَاظِ صَدِّ الْمَوْجِ عَمِيَانُ
عَايِزَانِي أَصْدُقْ قَلْبِي
إِزَاي؟
سِتُ الْحَسَنِ: (تَقْتَرِبُ مِنَ الشَّاطِرِ حَسَنُ تَضَعُ يَدَيْهَا عَلَى كَتِفَيْهِ)
مَقْلٌ فِي عَيُونِي
(تَشِيرُ إِلَى اللَّوْحَةِ الْخَلْفِيَّةِ)
دَقَقُ فِي النَّيْلِ

مَشْ دَا الْوَشَّ الَّذِي عَرَّفْتَنِي بِهِ فِي الْحَلَمِ
مَشْ دَا الْقَطْرُ الَّذِي شَبَّطَ فِي هَدُومِهِ
رِجَالُ الْكُفْرِ وَنَسَاوِينَهُ
كُلُّ مَا بِيَهَتْ فِي الزَّرْعِ
أَبْكِي انْكَشَافِي فِي الْجَلَابِيَّةِ
وَإِنِّي تَطْبُطِبُ عَلَيَّ كَتَقِي
وَتَغْمِي عَنِّيهِ

(تتحرك ببطء تجاه الصخرة الأخرى، تركزن إليها)

تَضَعُ يَدَيْهَا فَوْقَ عَيْنَيْهَا

نَسِيتَنِي يَا شَاطِرَ حَسَنٍ...

نَسِيتَنِي

(يُنْخَفِضُ الصَّوْتُ، تَنَامُ)

الشاطر حسن: (يسدل ظهره إلى الصخرة)

حَلُمِي خَلَاصَ

بَقِيَ عَلَيَّ قَدَى

الْأَيَّامِ الْمَرَّةَ إِبْتَدَرْتُ فِي لِسَانِي سَكَاتَ

وَاللَّهِ مَا عَارَفَ

إِنْ كُنْتُ صَحِيحَ الَّذِي رَأَيْتَكَ فِي الْحَلَمِ

وَلَا دَى لَعْبَةٍ سَاحِرٍ مَلْعُونِ

نِسَاءِ مَقِيدَتِي بِسَحْرِهِ صَنَمِ

فَوَيْتَنِي أَنَامُ فِي صَلْوَعِي

أَنَامُ فِي الْهَوِّ خِيَالِ

أناالم أ

ن

ا

م

(يفمض عينيه، ينام بجوار الصخرة)

الكورال: (يردد من الكواليس)

قورة البنية مسيبة بشواشي
فرس الغريب دخل البلد ماخشاشي
واين البلد مغلوب ايديه متحاشي

.....

قوم يا شاطر حسن اخزي البلية
حمامة بيضة داخل البنية
الشعر سايب والعيون عسلية
اركب حصانك يا شاطر وتعالى
البنت بيضة مذوقة وعجبانة

.....

.....

(ينخفض الصوت حتى ينتهي، يظلم المسرح ...
يسدل الستار)

المشهد الثالث

الديكور:

- صخرتان تتوسطان المسرح
- فتحة في المؤخرة (تعبّر عن فتحة القبو)
- عرش الملك
- لوحات خلفية

يرفع الستار
(إظلام إلا من بقعة إضاءة تظهر الشاطر حسن وهو
يحلم أثناء نومه، يقف، ينظر للخلاء المحيط به)
الشاطر حسن: الله!
أنا فين؟
مين اللي جبني هنا
حلم ولا علم
(صوت لا يعرف مصدره يقهقه بصوت مرتفع)
الصوت: (بسخرية) حلم ولا علم
هه.. هه.. هه.....
حلم ولا علم
هه.. هه.. هه.....
الشاطر حسن: يلتفت وهو مرتبك
مين اللي بيتكلم (لم يجد شيئاً)

مِينُ فَنُ فَنُ فَنُ فَيِيِين
(يُخَرِّمُ مَتَقَوِّعًا بِجَوَارِ الصَّخْرَةِ)
آآآآه

ضَلُوعِي حَاتَتَكْسُرُ
كَأَنِّي شَائِلُ جَبَلٍ فَوْقَ ضَهْرِي
(بَعْدَ لَحَظَاتٍ يَظْهَرُ شَبَحُ الْحَاوِي، يَضَعُ يَدَيْهِ فَوْقَ
كَتْفِي الشَّاطِرِ حَسَنَ مَقْهَقِهَا)

شَبَحُ الْحَاوِي: مَا تَخَفُشْ
أَنَا جَائِ عِشَانُ أَسَاعِدْكَ
الشَّاطِرُ حَسَنُ: «مَرْتَعْدًا»،
إِن تِ إِنْتِ مِين ... مِين

شَبَحُ الْحَاوِي: صَدِيقُ
وَأَنْتِ يَا صَاحِبِي فِي ضَيْقٍ
وَأَنَا لَازِمٌ أَعَاوُنُكَ
الشَّاطِرُ حَسَنُ: ط ط ط ط طه
أَنَا فِين

شَبَحُ الْحَاوِي: حَاتَعْرِفْ،
كُلُّ اللَّيِّ عَلَيْكَ
تَلْفُ حَوَالَيْنِ الصَّخْرَةِ وَتَقُولُ:
يَا بَرِيوْشُ يَا بَرِيوْشُ
خَدِّ مِينِ ضَهْرِي الْهَمَّ وَحُوشُ ..
سَبْعَ مَرَّاتٍ

الشاطر حسن: (وهو يلف حول الصخرة)

يا بربوش يا بربوش
خُد من صهري الهم وحوش
يا بربوش يا بـ

ر

بـ

و

ش

(تنطفئ الإضاءة تدريجياً مع انخفاض الصوت)

حتى ينتهي فيبدأ الحاوي)

الـحاوي: جلا جلا

حَاتِطِيب وَتَحْلَى الْمَسْأَلَة
وَادِي الْوَلَا

رايح لفين يا هل ترى؟

جلا جلا (مع إنطفاء المسرح تدريجياً)

(بعد دقيقة يضاء المسرح، فيظهر ملك الجن فوق

كرسيه محاطاً بحاشيته وأمامه الشاطر حسن مقيد

اليدين والقدمين، وعلى اللوحة الخلفية رسوم

غريبة)

ملك الجن: (إلى حراسة)

فكوا قيوده (قام أحد الحراس بفك قيود الشاطر

حسن)

(أشار بيده لحراسه)

انصراف

(يهم الشاطر حسن بالخروج مع الحراس)

لا

خَلِيكَ أَنْتَ

الشاطر حسن: حاضر يا مولاي

ملك الجن: جاي هنا ليه؟

وإزاي؟

الشاطر حسن: ماعرفش يا مولاي

حارس: كذاب

دا عارف كويس وجاي برضاه

كان بينادي عليك يا مولاي بريوش

ماعملتش غير إني دليته على القبو

وهو اللي جالك برجليه

ملك الجن: أنا مش قلت إنصراف

إطلع يا جني برّه

(ينظر إلي الشاطر حسن)

أَنْتَ تَطْلُعْ مِينْ

الشاطر حسن: الشاطر حسن

ملك الجن: (فاردأ كرابجه)

إركع

الشاطر حسن: (مندهشاً) نعم يا مولاي

ملك الجن: باقولك إركع يا بنى آدم
الشاطر حسن: حاضر يا مولاي (يقولها مرتعداً)
ملك الجن: أنفخ صدرك
الشاطر حسن: أنفخ
ملك الجن: (ثائراً) بقولك أنفخ
(ينفخ الشاطر صدره)
إنده .. يابو الخلا
الشاطر حسن: يابو الخلا
ملك الجن: طلع من جواك البنى آدم
طل ف جوف القبر
القصر اللي بيغطس في الأرض
(يتحرك الشاطر حسن تجاه مؤخرة الجانب الأيسر
من المسرح ليطل من فتحة القبر، ويتابع القصر
الذى يهبط تدريجياً في الأرض)
(ملك الجن ثائراً)
إخلع إيدك من عبك
الشاطر حسن: (مرتعداً)
حاضر يا مولاي
ملك الجن: مرعوب ليه
إهدا وأفهم كلامي
إتشبس بعصاية الحاوي
حاول تلعبها

خَلَّى كَفْرُكَ تَغْلِيهَا
إِوَعَا تَغْلِيكَ.. أَوْى
إِنْ قَرَصَتْ هِيَ دِمَاغُكَ
حَاتَتْسَاقُطَ لَلْمِيَه تَابُوت
(تداخل من الصالة)

مـفـرج ٤ : (طفل فى سن الخامسة، يصحو ويرى ملك الجن
فيصرخ)

عفريت
إلحقنى يابوى، حايكلنى
حاموت

مـفـرج ٣ : (الأب) (يضمه إلى صدره مهدئاً)

ماتخفش يا راجل
عيب دا تمثيل.. خذ كُل التفاحة دى
(يعطيه التفاحة) شيلها لك أمك..
(يخرج ملك الجن من فتحة القبو)

النشاطر حسن. يااه

يا ست الحسن
إنت فين
من غيرك مخنوق
مش قادر أتنفّس مطر
ولا قادر أتفرّق تراب
الشجر المسكون

الغراب
بقي يشعُرني بالونس
اللمة وطبقة البيوت
بيحسوني بالاكنتاب
الفتاة: يااه يا شاطر حسن
رينا ينجيك..
ملك الجن مايفرقش عن الحاوى
الفتى: فعلاً
هما لتنين وسيلتهم واحدة
وهدفهم واحد
كرباج الجنى
وعصاية الحاوى
بيحققوا نفس الغرض
الفتاة: فأكرباشا
اللى كان أهل البلد
يتزرع أرضه قبل الثورة
الفتى: فأكرب
هى دى أيام تنسى
الله ما يرجعها يا شخة
كان يطمع الواحد فينا بحة أرض
يتصدر لأهله وخلانه ويتفرق عنهم
لحد ما ياخذ اللى عاوزه منه

يَدُورُ عَلَى وَاحِدٍ تَانِي يَطْمَعُهُ

الْفَتَاةُ: إِيَّاهُ

وَهُوَ يَفْضُلُ زَيْ مَا هُوَ

الْوَشَّ لِلْبَيْضِ

الَّتِي النَّاسُ يَتَعَطَّمُهُ

وَتَتَكَلَّمُ عَنْهُ بِالْخَيْرِ

الْفَتَاةُ: الشَّاطِرُ حَسَنٌ وَسَتْ الْحَسَنُ

مَصِيرُهُمْ وَاحِدٌ.. الْحَاوِي أَهْوَى جَاءَ

(تَتَابَعُ بَقْعَةُ الْإِضَاءَةِ مَلِكُ الْجِنِّ، أَثْنَاءَ دُخُولِهِ

الْمَسْرَحِ مِنْ فَتْحَةِ الْقُبُو، يَجْلِسُ عَلَى كُرْسِيِّهِ، يَتَابَعُ

أُؤَامِرُهُ لِلشَّاطِرِ حَسَنَ)

مَلِكُ الْجِنِّ: رَكِزْ مَعَايَ

سَقْفُ (يَقِفُ الشَّاطِرُ مَتَعَجِبًا)

بِأَقْوَلِكُ سَقْفُ (يَسَقْفُ)

إِسْتَمِرْ

كُلُّ مَا تَتَعَبُ مِيلَ عَلَى فَتْحَةِ الْقُبُو وَطَلَّ

مَرَّةً تَشُوفُ الْحَاوِيَّ

وَمَرَّةً تَشُوفُ الدَّرَوِيَّشَ

وَسَاعَةً مَا تَشُوفُنِي

أَنْفَضْ حَجْرَكَ لِلرَّيْحِ وَمَا تَسَالُنِي..

(يُظْلِمُ الْمَسْرَحَ إِلَّا مِنْ بَقْعَةِ إِضَاءَةٍ تَظْهَرُ الشَّاطِرُ

حَسَنَ وَهُوَ نَائِمًا مُسْتَنَدًّا عَلَى الصَّخْرَةِ، يَتَمَلَّلُ،

تتهياً إحدى الجنيات التي تتراقص وسط هالة من

الأبخرة)

الشاطر حسن: (يردد وهو نائم)

إطلع من ودي

فوتني أخترف بمزاج

انت ولا هو ما تفرقش عن بعض

كل ما تسرح بيه الجنية وتترقص

حاترقص

والحاوي حايفضل في مكانه

يطوف

الـحـاوي: (في الجانب الأيسر يشير تجاه ملك الجن في الجانب

الأيمن)

إطلع

إطلع يا جيان

م الباب اللي ما بينا

عجوز خرفان

(يظلم المسرح للحظات، ثم تتسع بقعة الضوء لتتابع

المشهد)

الشاطر حسن: (متعباً)

مولاي..

صنهرى المحنى برئ

من تجاعيد الأرض

ملك الجن : أوعى تفكر نفسك شاطر
أوعى

إنت صحيح عاشق ست الحسن

لكن جواك كرجاجي

بتشوف الدنيا بعينه

الشاطر حسن : (يتمتم أو يهمس بصوت منخفض) حاييجي يوم

أهرب من خوفاي

واكشف وشك للناس

ملك الجن : (وهو يقهقه، ويضرب الشاطر حسن بكراجيه)

تهرب مني!!

حاول

هه هه هه....

إكشف وشي

حاشوفني بمية وش

مش حاتقدر تفصلني عن الحاوي

وعن الدرويش

مش حاتقدر

وحاتحول لوش ثاني

عشق الجراب

كل ما اطلعك منه

حاتطلب مني

أعطك فيه

وإن قُلتك لأ
حاتكر نفس النشيد اللي دخلت القيو بيه
(يظلم المسرح تدريجياً وتصيق بقعة الإضاءة لتحدد
الشاطر حسن، وهو نائم بجوار الصخرة، وصوت
الكورال يردد)

يا بريوش

صوت الكورال: يا بريوش

خد من ضهرى الهم وحوش

يا بريوش

يا

ب

ر

ب

و

ش

(يظلم المسرح ويسدل الستار)

الشهد الرابع

الديكور:

- في الجانب الأيمن، مقدمة منزل ريفي، أمامه دكة خشبية
- لوحات خلفية
- صخرتان تتوسطان المسرح

يرفع الستار
(بقعة إضاءة تُظهر ست الحسن وهي نائمة بجوار
الصخرة تحلم بصوت واضح)
صوت ست الحسن: ما تبكيش يا أمى عليه
ما تبكيش
ما هو لزمّا أنزف لموتى
لجل أخواتى ويلدى تعيش
ما تبكيش

.....
(تضيق بقعة الضوء حتى تختفى، ثم يضاء
المسرح بأكمله، فى الجانب الأيمن يقف الحارثى
وحوله الأطفال، وفى الجانب الأيسر منزل ريفى
أما اللوحة الخلفية تمثل النيل، يخرج الراوى من
فتحة فى منتصف المسرح ويتقدم)

المرأى: الحارى مخمور (مشيراً إلى الحارى)

والصورة بتطلع مهزوزه

النيل المتغمى عريس

والقمره المرصودة عروسة

تداخل من الصالة

الفتى: قري قدام

الصنوء مطبوط والصوت عالى

سمعاني

الفتاة: سمعك...

أدينى جايه

المرأى: الحارى بدا يفوق

والمنظر يوضح

الضئ ببتسلط على ست الحسن

وهي بتتجهز للعرس (تجلس وأمها على دكه فى

مقدمة المنزل)

ست الحسن: أمي

صففى شعري

ذوفي فستاني

ما تتلخميش

الفتى: وطوا صوتكوا

عارزين نسمع،

بشويش

يا حبيبتى يا بينتى

يا نور العين

يا قلبى وكيدى

وشقايقى لتنين

(يسمع صوت الطبول، وبعد لحظات يدخل الشباب

إلى المسرح يطبلون ويرقصون بالعصى، ويلعبون

لعبة التحطيب)

المرأى: (يتقدم المسرح بعد أن تبتعد الطبول متجهة إلى

الخارج)

الهاوى لعب وخفيف

يضيق ويوسع فى البرواز

على قد ما يديه الناس تسقيف

الفتى: يااه

ست الحسن بتشرب من عطش الشاطر

والشاطر خايف يشرب من عطش النيل

الفتاة: مسكين يا شاطر حسن

مسكين

مايقش ليك مطرح

واقف تنرقب رقصات العرس

وكل ما تتحمد رقصات العرس تقوم تفرح

الفتى: مسكينه يا ست الحسن

الشاطرُ مِكتَفٌ
وإنتِ القمره بتناخذُ للموت قُربان
الفتاة: حزنان
الفتى: زى ما زعلانة انتِ عليها تمام
هات إيدك
تعالى نقول الحاوى
يزهى الصورة شوية
تعالى نخش البرواز للنيل
لأ للحاوى
لأ لك

يا حبيبتي
الفتاة: يا حبيبى
انا حافصل بين النيل والحاوى بدمى
(تتجه الإضاءة إلى الجانب الأيسر، ست الحسن
تقترب من الشاطر حسن)
ست الحسن: مش قادره
نفسى اتلفح بين درعاتك
وأموث وياك
الفتى: حايك
الفتاة: حباك
الشاطر حسن: (يحتضن ست الحسن)
مش قادر اتنصل منك

ولا قادر أخلعُ توب الأهل
الفتاة: مش عارفة!!
دا توب حقيقي؟
ولا دا لعبة حاوي؟
ست الحسن: لإمتة أنا حافضل
معصوية العين أستناك
الشاطر حسن: حابك
ست الحسن: حباك
متفرجة: (الزوجة)
دخان الصالة خنقنى
متفرج ٣: (الزوج)
رايح بعيد
مش حادخن جارك
بس إنت ركزى ع المشهد
وطططقى ودانك
متفرجة: (الزوجة)
سامعة وباصة بعينى لتنين
يا ترى حاخذنا الحاوى لفين
(حريم القرية يدخلن المسرح، يلتفون حول العروسة
وغنون)
المجموعة: (جماعة الحريم)
«تيمة شعبية»

على لَيْلًا يا بوى على لَيْلًا

المغنية: الأم قاعدة وغفلانا

المجموعة: لَيْلًا

المغنية: والحاوى دَخَلَ حَادَانًا

المجموعة: لَيْلًا

المغنية: نَقَى الصَّبِيَّةَ الْعُجْبَانَا

المجموعة: على لَيْلًا يا بوى على لَيْلًا

المغنية: الأم قاعدة ومَتَكِيَّة

المجموعة: لَيْلًا

المغنية: والحاوى دَخَلَ التَّكِيَّة

المجموعة: لَيْلًا

المغنية: نَقَى الصَّبِيَّةَ الْحُورِيَّة

المجموعة: على لَيْلًا يا بوى على لَيْلًا

(يخرجن من الجانب الأيسر)

(جماعة من الشباب يدخلون المسرح بالطبل

والعصى ويؤدون فاصل من الرقص ويلعبون

التحطيب)

المرأى: طبول الشوم يتدق

أهالى الكفر يتتلفف حوالين الحاوى

حوالين ست الحسن

اللى بتظهر من وشها لصفر مرعوبة

المتفرجة: (الزوجة؛ لزوجها)

أنا تعبت خلاص
حاجة تقطع القلب
الفتاة: يا حول الله
أنا حاسة بكرها قوى
حاسة إن أنا هياها
وانت هنااك
مش قادرة أروحك
لجل ما اميل على صدرك وابكى
الفتى: انت بتتنفضى
الفتاة: انت اللي بتتجمد
الفتى: هات إيدك
الفتاة: عنية تعبت
مش شيفاك
الفتى: خايفة
الفتاة: رجليني اتسمروا
الفتى: أنا برصك خايف
(ياخذ الشاطر حسن وست الحسن جانبا، تخفت
الإضاءة ويخلو المسرح تماما إلا منهما..)
الشاطر حسن: خايف
أصحا فى يوم يا ست الحسن
ما اشوفكيش
مين يقدر من غير قلبه يعيش

ست الحسن: خُذْنِي عَلَى قَدْ سَجِيتِي
فَيس صدر النِيل المنحني لِي وَغنى
ساعة ما تسيل الدمعة فِ عَيْنِكَ
قُول مسكينة يا ست الحسن
حاتشوفنى عيونك مشوار
فى عيون كل بنات الكفر المساكين
القاعدين ع الشط
يصلولى
وانت مع شباب الحيرة
واقف ع الشط الثانى
بتبعك بصرك وتغيب
(يتباعد الشاطر حسن ويظلم المسرح تدريجياً
ويختنق الضوء حول ست الحسن وهى نائمة بجوار
الصخرة حتى ينطفأ)
(يسدل الستار)

المشهد الخامس

الديكور:

- صخرتان تتوسطان الجانب الأيسر
- لوحات خلفية تدل على القرية وعلى فتحة قبو
- مقدمة تميل إلى اليمين، منخفضة حوالى نصف متر يجلس فيها المنفرجون
- ثلاثة توابيت يفصل بينهما الصخرتان

يرفع الستار

(المسرح مظلم، بقعة إضاءة تتابع الحركة)

الحـاوى: (يدخل من الجهة اليمنى، يشيح بعصاه)

جَلا جَلا

عَفْرِيتٌ مَجْنُونٌ

ليل الشتا مسكون

يلمَعُ يَكْشُ وَيَنْطَفِئُ

فوق الرصيف

دُرُويشٌ نَحِيفٌ

غُنيوتُه دَمَعُه بَتَتَنفُضُ

جوه العيون

الأطفـال: (جماعة أطفال تدخل من الجهة اليمنى، تحيط

بالحاوى)

جَلا جَلا

عَفْرِيتٌ مَجْنُونٌ
جَلَا جَلَا
عَفْرِيتٌ مَجْنُونٌ
(ثلاثة عفاريت - ثلاثة ممثلين يضعون مَسَكَاتٍ - ،
خلفهم شيخ الحَاوِي - شيخ جرم قَوِي البنيان)
شيخ الحَاوِي: (يأمرهم بالطَّوْفَ ويضرب بكرِجَاه من يتباطأ)
طوف يا جيان
طوف..
يا جيان

.....

مَـفـرَـج ٣: (الزوج)
حاجة جنان
المـفـرـجـة: (الزوجة)
بشويش
الحيطان ليها ودان
مَـفـرَـج ٣: (الزوج)
خايفة من إيه!
إنكلي على الله
العمر واحد والرَّب واحد
المـفـرـجـة: ياخوي ماتخوصش
شفت الشاطر
إزاي لما حاول ينجِد سِت الحُسْن من الحَاوِي

سَلَطَ عَلَيْهِ كُلَّ الْقَرَايِبِ وَالْأَغْرَابِ

مَا لِقَيْشٍ حَذُّ وَرَاهِ

حَتَّى أَقْرَبَ النَّاسَ لِيَهْ

قُدَامِ التَّيَّارِ نَخْ

المتفرج ٣: بِرُضْكَ مَا بِبِفَضْلَتِي

غَيْرِ الْفَعْلِ الْجَدِّ وَالْقَوْلِ

يَا آه .. يَا مَا خَلَقَ كَثِيرَ طَاطُوا الْبَوْلِ

مَا بَقِيَشٍ مِنْ وَشْهِمِ الْإِسْوَدِ

غَيْرِ عَفْرِةٍ سِيرِهِ

المتفرجة: (تُشِيرُ إِلَى الْمَسْرَحِ)

اللَّهُ مَشَّ وَأَخَذَ بِأَلْكَ ..

متفرج ٣: إِظَاهِرْ سَرَحْنَا كَثِيرَ

وَنَسِينَا الْمَسْرَحِيَّةَ

المتفرجة: لَسَاهَا الْعَفَارِيثُ يَتَطَوَّفُ حَوْلَيْنِ التَّوَابِيثِ!

شَبَّحَ الْحَاوِي: (كَلِمَا تَبَاطَأَ أَحَدُهُمْ، يَضْرِبُهُ بِكَرْيَاجِهِ)

طَوُفْ يَا جِبَانْ

طَوُوفْ

العفاريت: (يَدِيرُونَ حَوْلَ التَّوَابِيثِ)

يَا مَغِيثْ

يَا مَغِيثْ

وَلَادِ الْكَلْبِ احْنَا الْعَفَارِيثِ

نَتَسَيَّبُ عَلَّشَانَ نَتَمَسِّكُ

نَتَخَذُ فِي جُحُورِنَا عِبِيدُ
يَا مَغِيثُ
يَا مَغِيثُ
وَلَادِ الْكَلْبِ أَحَنَّا الْغَفَارِيَّتْ

.....

(يُخْرَجُونَ مِنَ الْمَسْرَحِ أَثْنَاءِ انْخِفَاضِ مَسْتَوَى
الْإِضَاءَةِ)

السُّدْرِيُّش: (بَعْدَ لِحَظَاتٍ يَدْخُلُ مِنَ الْجِهَةِ الْيَمْنَى)
أَهْلُ الْبَلَدِ دِي مِشْ سَهْلِينَ
لِزْمَا أَتَعَامَلُ مَعَاهُمْ بِحِكْمَةٍ
(أَهَالِي الْبَلَدِ يَدْخُلُونَ مِنَ الْجِهَةِ الْيَسْرَى)
شَخْصٌ ١: إِيهْ

وَمَالِهِ لَمَّا تَتَجَوَّزُ الْغَرِيبُ
دَا رَاجِلٍ مَعَاهُ فُلُوسٌ كَثِيرُ
وَقَدْ مَا نَطْلُبُ بِيَجِيبُ
شَخْصٌ ٢: اسْكُتْ إِنَّتْ

مَا تَتَكَلَّمْشْ

بِنَاتِنَا مَا تَطْلَعُشْ بَرَّهُ وَاصِلُ
رَاجِلُ مَا عِنْدَكُشْ نَخُوهُ صَحُ
شَخْصٌ ١: (سَنَهُ يَزِيدُ عَنِ الْخَمْسِينَ عَامًا)
أَنَا مَا عِنْدِيْشْ نَخُوهُ يَا جِبَانُ
طَبِّ حَاوْرِيْكَ

(يتشابكان ويحاول الرجال فك النزاع)

السرويش: (يتقدم نحوهم)

إهدوا يا رجاله

إنتموا صغِيرين ع الكلام ده

استهدوا بالله كده وأقعدوا

(يجلسون وبينهم الدرويش)

إيه الحكاية

البياع: (ينادي من الصالة) الغال.....ى

رمان مغطوم.. يركع ويقوم

شضلّي ومحروم

.. حليّ حلالى

إحنا ما بنبعش إلا الغالى

الغالى..

.....

شخص ١: صلى على النبي يا سيدنا

السرويش: عليه الصلاة والسلام

شخص ١: دلوقت

الغريب جاى يطلب إيد بنتنا ست الحسن

ودا راجل جبار

وما يعلبهوش غير القادر

نديهاله ولا لا

السرويش: وماله لما تديها له

مادام حايذفع فيها اللى تستاهله
 شخص ٢: (عمره لا يزيد عن ٤٥ سنة)
 ايه اللى بقوله ده يا مولانا
 السدرويش: أسكت إنت بقى
 خلينى أعرف أتكلم
 شخص ٢: أدبنى سكت
 لما أشوف آخرتها
 السدرويش: الراجل ده قاعد فى المدينة
 يشيعلكم عددكم وكسوتكم
 وسركم وشايكم ولقمتكم
 وماسكم من رقابكم
 شخص ٢: عايزنا يا سيدنا
 نفرط فى زينة البنات
 ونحط كرامتنا تحت رجله
 السدرويش: لا حول ولا قوة إلا بالله
 شغلوا عقولكم
 بصراحة الراجل ده هو اللى يستاهلها
 بقوته وجوده وجبروته
 ماتستخسروش فيه أصبى بناتكم
 شخص ٢: (يقف غاصباً رافعا عصاه)
 قوم قذ يا راجل إنت من هنا
 والله لولاش يقولوا مد إيده على راجل كبير

لَقَتَلْتُكَ

يَا رَاجِلْ يَا فَنَنْه يَخْسِيسْ

(يَبْعِدْهُ رَجَالُ الْبِلْد)

الدرويش: لَا حَوْلَ وَلَا قُوَّةَ إِلَّا بِاللَّهِ

شَبَاب طَائِشْ

رَبَّنَا يَهْدِكْ يَا وَلَدِي

سُبْحَانَ اللَّهِ

سُبْحَانَ اللَّهِ

.....

(يُخْرِجُ مِنَ الْجَانِبِ الْأَيْمَنِ، وَأَهْلُ الْقَرْيَةِ مِنَ الْجِهَةِ

الْيُسْرَى)

الْفَتَاةُ: الْمَسَائِلُ صُرِبَتْ فِي دِمَاغِي

الْحَاوِي وَالْدُرُوشِ دُورَهُمْ وَهَدَفَهُمْ

مُتَرْتَبٌ وَمُظْبُوطٌ

أَمَّا أَهَالِي الْكُفْرِ وَالْعَفَارِيتِ

مَا يَبَادُوشُ لَادُورْ وَلَا هَدَفْ

الْفَتَى: سَتَ الْحَسَنُ وَالشَّاطِرُ

بِقَالِهِمْ فَتَرَهُ مَظَاهِرِيشْ

الْفَتَاةُ: هُمَا صَحِيحٌ مَا بَابِنْلَهُمْشْ أَثَرُ لِيهِ

حَاجَهُ غَرِيبَةً

الْفَتَى: مَا غَرِيبَاشْ وَلَا حَاجَةً

دِي لَعِبَةٍ بِقَالِهَا سَنِينْ

بِتَدَوَّرْ فِي وِلَادِ الْبَلَدِ الْمَسَاكِينِ
حَوَالَيْنِ بَعْضِيهِمْ

الْفَتَاةُ: يَا آه

وَجُودُكَ جَنَّبِي مَوْنِسِي قَوِي

الْفَتَى: خَذِي بِالْك

الْحَرَكَةُ حَاتِبْدُ ع الْمَسْرَحِ

(إِضَاءةً، مَلِكُ الْجِنِّ عَلَى كُرْسَى الْعَرْسِ وَحَوْلَهُ

حِرَاسَةٌ فِي الْجِهَةِ الْيَمْنَى)

مَلِكُ الْجِنِّ: (يُشِيرُ لِحِرَاسِهِ)

إِنْصِرَافِ

الْحَارِسُ: أُوَامِرُكَ يَا مَوْلَايَ (يَهْمُو بِالْإِنْصِرَافِ)

مَلِكُ الْجِنِّ: (لَا أَحَدَ حِرَاسِهِ)

وَلَا أَقُولُكَ

اسْتَنِي إِنَّتِ

الْحَارِسُ: حَاضِرُ يَا مَوْلَايَ

مَلِكُ الْجِنِّ: إِلَيْهِ أَخْبَارُ الْإِنْسِيَّةِ؟

الْحَارِسُ: مَا بِيَجْرِيشَ عَلَى لِسَانِهَا كَلَامُ

مَلِكِ الْجِنِّ: تَمَامٌ..... تَمَامٌ

وَالْإِنْسِي إِلَيْهِ أَخْبَارُهُ؟

الْحَارِسُ: بِيَمْشِي عَ الْعَجِينِ مَا يَلْخَبُطُوشَ

مَا فَيْشَ عَلَى لِسَانِهِ

غَيْرَ اسْمِكَ يَا مَوْلَايَ بَرُبُوشَ

ملك الجن: هو ده اللي أنا كنت عاوزه

طول ما هما بعد عن بعض

مفيش خوف منهم

(للحارس) مش كده؟

الحارس: طبعاً يا مولاي

كده... كده

ملك الجن: (يقهقه)

هه هه هه

..... (للحارس)

نفذ أوامر ملك الجن

طلّع الإنسي والإنسية

من القبو المسحور للدنيا

قوام

قوام

قوام

.....

الحارس: أمرك يا ملك الجن.. (يصوب كراجه نحو القبو)

يا حنان يا منان

يطلع من جوف القبو

الإنسيه والإنسان

يا حنان يا منان

(تخرج ست الحسن من فتحه القبو إلى المسرح،

تتحرك حركه ديناميكية وتتخذ الجانب الأيسر)

الحارس: (لازال يصوب كـريـاجاً نحو القبو)

يا حنّان يا مَنّان

يطلع من جوف القبو الإنسان

يا حنّان يا مَنّان

الشاطر حسن: (يخرج من فتحة القبوة مخبول)

يا بريوش

يا بريوش

خذ من ضهرى الهم وحوش

يا بريوش

يا بريوش

(يتحرك تجاه الجانب الأيمن حتى يهدأ مع

انخفاض الصوت والإضاءة)

الفتاة: يااه

دامش حاوى

دا شيطان

مره بيدخل ففطان الدرويش يدارى

ومرة يبطلع من قب الجنى يظبط

مرة مخاوى

ومرة عبيط

المرأى: خدوا بالك

من باقى الحدوتة كويس

المشهد انملى آتية
بدأت تتسرب م الصالة
وتتريصص ع المسرح
البياغ، العيلة، مجموعة الأطفال والحرامية
(المسرح إزدحم بالممثلين فى الجهة اليسرى، أما
اليمنى فيها الشاطر حسن فى هيئته الجديدة
والدرويش يقفون فى الخلفية)
الحاوى: (يدخل من الكواليس، رافعا عصاه)

جلا جلا

عفريت إنسان
ليل الشتا مسكون بالجنان

نفذ فى الحال

جلا جلا

.....

(يتحرك العفاريت وخلفهم شبح الحاوى ويطوفون

حول التوابيت)

العفاريت: يا مغيت

يا مغيت

ولاد الكلب إحنا العفاريت

نتسبب علشان نتمسك

نتخذنق فى جحورنا عبيد

يا مغيت

يا مغيت.... (يدخل كل منهم في تابوته)
«ويتحرك شيخ الحاوي إلى مقدمة المسرح ويقف»
(تخفت الإضاءة في المقدمة وتزداد في الخلفية
فيظهر لجمهور الصالة، ظل جامد محدد الملامح)

متفرج ١: (للراوى)

يا عم يا عم

مين الحاوي في دول؟

الـراوى: لسه يتسأل!!؟

إننت مش يحتاج يا حبيبي اجابتي

ماحدش حايقدر يجاوب على سؤالك غيرك

الطفلة: الدرويش دا راجل وحش

ولا طيب

متفرج ١: (الطفل) يااه.. يا جدى

أقدر إزاي؟

الـراوى: بس انت إكبر

إتحرر من خوفك الأول

متفرج ١: يا سلام!

الـراوى: بص حواليك (الطفل والطفلة في مقدمة الصالة)

الصالة بتقضى من حواليكوا

ما فيهاش غير بس الواد والبيت

قاعدين في الآخر

هى بتدمع وهو بيديها المنديل

الفتاة: سبحان الله
كل الخلق دى هيبة بقدره قادر
اتحولوا لآلات ممسوخة بتتطوح ع الفاضى
الفتى: مذهول!
الفتاة: مش فاهمه إيه اللى بيجرى!
الفتى: بقولك إيه
أنا دوخت خلاص
قومى بينا نطلع م الفتحة القدامنية
الفتاة: فين؟
الفتى: (يشير إتجاه منصة العرض)
اللى هناالك
الفتاة: اللى على شمال الحاوى؟
الفتى: إيوة
إتسمرتى ليّه
يا له..
الفتاة: (تشير إلى المسرح)
شوف
الفتى: شبح الحاوى بيتحرك
الفتاة: باصص علينا
الفتى: ماتبصيش عليه
الفتاة: جاي علينا (الشبح يهبط إلى الصالة)
الفتى: مش معقول

الفتاة: أنا مرغوبة

الفتى: أجرى (يجريان وخلفهما الشبح)

(يصعدان المسرح وخلفهما الشبح)

(يلفان حول الصخرتين والتوابيت وخلفهما الشبح)

إدارى ورا الحجر العالى

(يختبئان خلف الصخرتين)

(يلمحا الحاوى فيجذبها الفتى من ذراعها)

تعالى نهرب م الباب الورانى

تعالى

(يظلم المسرح ويتقدم الراوى نحو المتفرجين وحوله

إضاءة خفيفة تميزه)

الـراوى: المسرحية دُلُوْقْتُ خُلِصْتُ

والد

متفرج ١: (الطفل؛ مقاطعا)

لا ماخُلِصْتُشْ

الـراوى: (ينظر إلى الطفل والطفلة) إِنْتُوا قاعدين لحد دُلُوْقْتُ

يا حبيبى قُلِّلْكَ خُلِصْتُ

طب بص معاى ع المسرح

شوف.....

(الاضاءة تَظْهَرُ الصخرتين مشبوحاً عليهما الفتى

والفتاة)

شُوفْتُ

متفرج ١: أيوه شوفت
الـراوى: مش خافين؟!
متفرج ١: لأ مش خافين
أنا مش عبيط
علشان أسيب لكم الصالة
وأمشي
الـراوى: انت عندى قوى
متفرج ١: عندى عندى
برضو حافضل هنا
أنا خلاص كبرت وبقيت راجل
الطفلة: أيوه راجل
متفرج ١: مش حانطع..
وحانكشف وشوشكم كلكم
وحانعرف مين الحاوى
الطفلة: ونلعب مع ست الحسن والشاطر حسن
مش كده؟
متفرج ١: (يمسك بالطفلة ويحاول أن يخطو بها نحو
الصخرتين)
قومى
(تتجمد الحركة وتنتقل الاضاءة بين الطفل والطفلة
وهما يحاولان الصعود إلى المسرح والفتى والفتاة
وهما مشبوحان على الصخرتين)

الكورال: (يردد من الكواليس)

يا مغيت

يا مغيت

ولاد الكلب إحنا العفاريات

نتسبب علشان نتمسك

نتخندق في جحورنا عبيد

يا مغيت

يا مغيت

.....

(بنخفض الصوت حتى ينتهى،

ويظلم المسرح تماما)

يسدل الستار»

(ب)

«العصاية»

والبحث عن معنى الوجود الإنساني

د. نبيل راغب

«العصاية» والبحث عن معنى الوجود الإنسانى

لا شك أن الناقد المسرحى يسعد بالأعمال المسرحية التى لا تحاكى ما سبقها، بل تسعى إلى توسيع رقعة التقاليد المسرحية من خلال البحث عن آفاق جديدة، سواء على مستوى المضمون الفكرى أو الشكل الفنى. ومسرحية «العصاية» للأستاذ أحمد توفيق من هذا النوع الطموح الذى يستفيد بكل دلالات التراث الشعبى المصرى والعربى، ويوظف الاجتهادات الدرامية والإمكانات الشعرية فى صياغة مضمونها الذى يتخذ من بحث الإنسان عن معنى وجوده، وسعيه الدءوب للتخلص من الخوف الكامن داخله، والمهدد لكيانه، عموداً فقرياً له، مما منح الشكل الفنى للمسرحية شخصيته المتميزة ومذاقه الدرامى الخاص. وذلك ابتداءً من عنوان المسرحية وحتى خاتمتها. ذلك أن الدلالات الفكرية والدرامية للعصاية تنتثر داخل طيات المسرحية ومواقفها المتتابعة حتى تصل عند قمتها فى التوازى بين كرباج الجنى وعصاية الحاوى بكل ما تدل عليه من دجل وخوف وخرافة وسطوة وإذلال وإهدار للكيان الإنسانى الحق. أى أن «العصاية» هى العنوان والعمود الفقرى للسياق الدرامى، بل البطل الفعلى غير البشرى وغير الإنسانى فى النص.

ويتوسل أحمد توفيق فى مسرحيته بجو من السحر والغموض الذى يناسب المضمون الذى يمزج الواقع بالحلم، والحقيقة بالخرافة، والفيزيقا بالميتافيزيكا، والبشر بالعفاريت، والإنس بالجن، وذلك من خلال توظيف التراث الشعبى على مستوى المضمون الفكرى، وتوظيف الشعر العامى على مستوى الشكل الفنى، والربط العضوى والدرامى بين ما يدور على المنصة وما يدور فى الصالة، على سبيل التأكيد العملى على تقاليد المسرح الشعبى. وقد ساعده على ذلك كثافة التعبير الشعرى وخصوبته الزاخرة بالدلالات والرموز والصور والاسقاطات والإيحاءات والتلميحات التى خلقت جواً خاصاً بالمسرحية يمكن أن يستوعب المتفرج بانارة طاقته الانفعالية وفى الوقت نفسه، بشحن قدرته العقلانية على استشراف آفاق جديدة. ففى مطلع المشهد الأول يقول الراوى بصفته شاهد عيان، وراصداً لما يدور، وبوصلة لما سوف يرد من مواقف وأحداث:

«يا سلام
القصر عالى
ملوك موالى
الريح ملاك
الشجرة بتخلف ممالك
السما للأرض بتندى البنات
يا سلام».

وقد استطاع أحمد توفيق أن يربط بين مختلف المواقف والأحداث بشخصية الراوى الذى يعلق على الأحداث ويحلل الشخصيات ويربط بين دلالتها سواء من خلال المواجهة والتضاد أو التوازى والتناغم. وكان دوره قريباً من الدور الذى قامت به الجوقة أو الكورس فى المسرح الإغريقى، وأيضاً الدور الذى قام به الراوى فى تراثنا الشعبى المصرى والعربى على حد سواء. وخاصة أن التيمات الشعبية التى تمثلت فى الشخصيات التراثية مثل الشاطر حسن وست الحسن قد أوجت بهذا الجو ذى العبق القديم، وإن كانت دلالاته تمتد لتستوعب الماضى والحاضر والمستقبل فى توليفة درامية ممتعة فكرياً وفنياً.

وقد ساعدت هذه التيمات الشعبية على أن يتوجه أحمد توفيق بمسرحيته إلى الكبار والصغار على حد سواء. بل إن الأطفال قاموا فى النص بدور حيوى لا يمكن اغفاله، فهم رمز إصرار الإنسان على الانطلاق إلى آفاق المستقبل بلا خوف ولا خرافة. وكان هذا هو السبب فى إبراز الجانب التربوى فى النص المسرحى، وإن لم يلجأ إلى التقرير أو الإرشاد المباشر، بل ترك السياق الدرامى يبلىره ويجسده لتعميق وعى الأطفال بالجوهر الحقيقى للحياة، سواء الأطفال المتحركين على المنصة أو القابعين فى الصالة بين المتفرجين. فقد تجسدت قيم الأصالة المطلوب ترسيخها دون كلمة مباشرة من إحدى الشخصيات.

ولعل التكنيك الذى اتبعه أحمد توفيق قد ساهم فى تجنب الاعتماد على الحدوتة التقريرية التقليدية فى أدبنا الشعبى الزاخر بالحواديت التى تعاقب الشرير وتجازى الخير على سبيل العظة المباشرة. وقد تمثل هذا

التكنيك فى الاستفادة من إمكانيات البناء الموسيقى الذى يعتمد على الخطوط اللحنية المتوازية ثم المتفاعلة فيما بينها، أو المتصارعة والمتضادة إذا كان هناك ما يستدعى توظيف المنهج الكونترابنطى . فقد مثل الراوى اللحن الأساسى ومعه كل من الشاطر حسن وست الحسن وفتيان البلد وفتياته وأطفاله بالإضافة إلى المتفرجين، وذلك فى مواجهة اللحن المضاد الذى تمثل فى الحاوى ومملك الجن والعفاريت. وكان الحاوى هو الصلة الدرامية أو شبه الواقعية بين عالم الخرافة والدجل وعالم الحقيقة والواقع، بحيث تم تبادل الاسقاطات والانعكاسات بينهما مما أدى إلى تكثيف المعانى وتجسيد الدلالات وتسلط الأضواء على الكهوف المعتمة للنفس البشرية.

وقد لعب شعر العامية دوراً فى إضفاء هذا الجو الذى يمزج بين الخرافة والحقيقة، ويطور الشخصيات دون الوقوع فى أسر الغنائية التى تصيب السياق بالتركرار والركود إذا لم يحسن استغلالها. فمثلاً كان التردد الإيقاعى فى السياق الشعرى بين فتیان البلد على سبيل المثال، بمثابة أضواء ساطعة على الشخصيات وما تمثله، وعلى الزوايا التى ستتطور منها المواقف. فقد ساعد تمكن الكاتب من ناصية الشعر العامى على تطويره لمقتضيات الموقف والشخصية بحيث لم يقف حاجزاً بينهما وبين استيعاب المتفرجين لهما.

وإذا الخط الدرامى الأساسى للمسرحية يتبلور من خلال بحث الإنسان عن معنى وجوده وحقيقة كيانه، فإن التنويع الأساسى التى تتفاعل مع هذا الخط تتمثل فى الحب كقيمة ينهض عليها الوجود

الحقيقى كله، خاصة من خلال الدلالات الرمزية التى توحى بها
شخصيتا الشاطر حسن وست الحسن . وهذا الحب لم يتحقق إلا بتخلص
الشاطر حسن من عوالم الخوف والتردد والخرافة الكامنة داخله والتى
يجسدها ملك الجن:

«الشاطر حسن : [يتمم أو يهمس بصوت منخفض]

حايجى يوم

أهرب من خوفى

وأكشف وشك للناس

ملك الجن : [وهو يقهقه، ويضرب الشاطر حسن بكراجه]

تهرب منى !!

حاول

هه... هه... هه....

إكشف وشى

حاتشوفنى بمية وش

مش حاتقدر تفصلنى عن الحاوى

وعن الدرويش

مش حاتقدر

وحاتحول لوش تانى

عش الجراب

كل ما أطلعك عنه

حاتطلب منى

أحطك فيه

وإن قتللك لأ

حاتكرر نفس الشئيد اللى دخلت القبويه.

والشاطر حسن هنا لا يمثل قيمة فردية خاصة به فحسب، وإنما يجسد مع ست الحسن قيمة إنسانية وقومية. فمثلاً فى بداية المشهد الرابع يرفع الستار على بقعة إضاءة تظهر ست الحسن وهى نائمة بجوار الصخرة تحلم بصوت واضح:

«ماتيكيش يا امأى

ماتيكيش

ما هو لزماً أتزف لموتى

جلل اخواتى وبلدى تعيش

ماتيكيش»

وهذا المزج الدرامى بين الدلالة الفردية الخاصة بالشخصية ودلالاتها القومية الإنسانية، يتبلور من خلال نوعية الحب الذى ربط بين قلبى الشاطر حسن وست الحسن. فهو حب الإنسان للوطن والحياة والوجود والكيان الإنسانى الذاتى الذى يتحقق فى الآخر.

«الشاطر حسن: خايف

أصحا فى يوم يا ست الحسن

ما أشوفكيش

مين يقدر من غير قلبه يعيش.

ست الحسن: خدنى على قد سجيى

قيس صدر النيل المتحنى لى وغنى
ساعة ما تسيل الدمعة فى عينك
قول مسكينة يا ست الحسن
حاتشوفنى عيونك مشوار
فى عيون كل بنات الكفر المساكين
القاعدين ع الشط
يصلولى
وانت مع شباب الجيرة
واقف ع الشط الثانى
بتبع بصرك وتغيب».

وقد لعبت الإضاءة المسرحية دوراً فى بلورة هذا الجانب الرمزى فى شخصيتى ست الحسن والشاطر حسن من خلال التركيز عليها فى انتقالات ناعمة تساعد على الإيقاع السريع لتغيير المناظر، وفى الوقت نفسه تكثف فى ذهن المتفرج ووجدانه الخط الدرامى والفكرى والإنسانى الذى يجسدانه. وذلك بالإضافة إلى التداخل المستمر بين الممثلين وجمهور المتفرجين، الذى يوحى بأنهما شخصيات حية ومتواجدة بالفعل بينهم، وليس مجرد شخصيتين مسرحيتين يقوم بأدائهما ممثل وممثلة. ولذلك فإن أحاسيس الخوف والقلق التى تنتابهما هى نفسها التى تسرى فى بقية الشخصيات السوية، وأيضاً فى المتفرجين مما جعل المسرحية ككل رحلة تغلب الإنسان على مخاوفه، خاصة فى مواجهة الحاوى وكل ما يرمز إليه من دجل وخرافة وإثارة للخوف الذى يفقد الإنسان ثقته فى نفسه ويضعه تحت رحمة كرباجه:

«المتفرجة: (الزوجة)

بشويش

الحيطان ليها ودان

متفرج ٣: (الزوج)

خايقة من إيه

إتكلى على الله

العمر واحد والرب واحد

المتفرجة: ياخوى ماتخويضش

شفقت الشاطر

إزاي لما حاول ينجد ست الحسن من الحاوى

سلط عليه كل القرايب والأغراب

مالقيش حد وراه

حتى أقرب الناس ليه

قدام التيار نخ

المتفرج ٣: برضك ما ييفضلش

غير الفعل الجدد والقوله

ياااه.. ياما خلق كثير طاطوا البول

ما بقيش من وشهم الأسود

غير عفرة سيره».

كذلك امتزج هذا الجانب الرمزي والأسطوري والتجريدي بجانب واقعي واسقاط حديث من خلال لمحة الباشا الذي استولى على أراضي الفلاحين الذين لا حول لهم ولا قوة قبل ثورة يوليو ١٩٥٢. وهو ما

يدعم الصلة بين إسقاطات الماضي وإحياءات الحاضر. فالحاوى لا ينتمى إلى عصر الشاطر حسن وست الحسن فحسب، بل تمتد دلالاته الموحية بالخوف والقلق والخداع والزيغ والبهتان وتغيب العقول، لتشمل كل عصر يمكن أن تتوافر فيه البذور أو العوامل التى تؤدى إلى ظهوره وسيطرته على مقدرات الآخرين. ولذلك، فإن بروز الوعى الجمعى عند الأطفال (رمز المستقبل) فى نهاية المسرحية، تجسيد درامى لقدرة الإنسان على إثبات وجوده فى مواجهة كل المعوقات التى تحاول إهداره والتى يجسدها الحاوى:

«الراوى: انت عندى قوى

متفرج ١: عندى عندى

حافظ هنا

أنا خلاص كبرت وقيت راجل

الطفلة: إيوه راجل

متفرج ١: حانطلع المسرح

وحانكشف وشوشكم كلكم

وحانعرف مين الحاوى

الطفلة: ونلعب مع ست الحسن والشاطر حسن».

فالمسرح هنا لم يعد تلك الخشبة أو المنصة التى تدور عليها الأحداث الدرامية، أو حتى القاعة التى يجلس فيها المتفرجون لمتابعة العرض، بل أصبح المسرح هو الحياة نفسها، ولم يعد الممثلون مجرد ممثلين أو المتفرجون مجرد متفرجين، بل أصبحوا بشراً إيجابيين لهم وجود فعلى وإرادة حقيقية فى صنع الأحداث التى تحدد مصائرهم. فلم

يعودوا يمثلون أدوراً كُتبت لهم مسبقاً، أو يتفرجون على أحداث تدور أمامهم على المنصة لا تعنيهم إلا في فترة العرض، وقد لا تعنيهم على الإطلاق إذا كان العرض مملاً أو لا يمس أوتاراً حساسة داخلهم. أما الآن فقد أصبح العرض من صنعهم وبشاركتهم الإيجابية بعد أن اكتسبوا من الوعي الجمعي ما يؤهلهم لذلك. فهو الوعي الذي ينير لهم طريق الحياة لتعرية واكتشاف كل أنواع الحوا، مهما تخفوا وراء الأفتنة المضللة والعديدة للزيف والخداع، وإهدار إرادة الإنسان، وتغييب عقله، والاستهانة بمقدراته.

هذا هو المنظور الإنساني الإيجابي الذي جسده مسرحية «العصاية» للأستاذ أحمد توفيق. فلم تعد «العصاية» عصا الساحر أو الحاوي الذي يبهر بها الآخرين ويغيب عقلهم وإرادتهم، أو عصا الطاغية الذي يهددهم بجبروته وبطشه في شتى أشكاله وأنواعه فيجعلهم يهرعون كالجرذان المذعورة إلى أعماق جحورهم المعتمة، وذلك بعد أن مر الجميع، ممثلين ومتفرجين، عبر أحداث المسرحية برحلة البحث عن الذات والكيان والهوية، فامتلكوا الضوء الذي ينير لهم الطريق نحو تعرية وفضح كل ما يهدد وجودهم الإنساني الحقيقي. وقد نجحت المسرحية، سواء على مستوى المضمون الفكري أو الشكل الفني، في تجسيد هذا البحث المصيري عن معنى الوجود الإنساني دون اللجوء إلى الأساليب التقريرية التقليدية، فقد كانت الدراما خير وسيلة للكاتب لكي يحقق هدفه الفكري والفني.

د. نبيل راغب

مطابع
الهيئة المصرية العامة للكتاب

رقم الايداع بدار الكتب ١٩٩٩/٢٧٩٩
I.S.B.N 977 - 01 - 6066 - 0